

文

257544

134



南澗甲乙稿目錄

武英殿聚珍版

卷一 六十四首

卷賦三首

擬騷一首

五言古詩七十九首

卷二 五言古詩十二首

六言古詩三首

七言古詩二十八首

卷三 五言古詩八十八首

五言律詩四首

五言律詩一百十五首

卷四 五言律詩八十八首

卷七言律詩八十九首

卷五言律詩一百十五首

卷七言律詩八十八首
五言排律四首

卷六言律詩二十八首

卷五言絕句十二首
六言絕句三首

卷七言絕句一百八十四首

卷七言律詩

卷詞六十四首

南卷八言律詩

南卷八言律詩

表五十三首

牋三首

卷九

狀二十六首

卷十

劄子二十二首

卷十一

進故事十三首

議十一首

策問一首

卷十二

啓二十五首

書十六首

二吳舒帷校

卷十三

書十四首

卷十四

序二十二首

卷十五

記十九首

卷十六

記十三首

題名二首

題跋二十八首

卷十七

論十六首

辨一首

說三首

攷一首

卷十八

銘十首

贊三首

文十二首

祭文二十首

卷十九

碑銘五首

南開甲乙稿

目錄

三

卷二十

墓誌銘十一首

卷二十一

墓誌銘十一首

卷二十二

墓誌銘

墓表

十一首

行狀一首

臣等謹案南澗甲乙稿宋韓元吉撰元吉字无咎
開封雍邱人南渡後流寓信州之上饒集中自署
曰潁川不忘本也元吉宋史無傳陳振孫書錄解

題稱為門下侍郎韓維元孫江西通志則以為韓

維之子攷宋史維本傳卒于元符元年而集中繫

辭解序云淳熙戊戌年既六十有一則元吉生時

自在徽宗重和元年上距元符元年戊寅凡二十

年安得為維之子集中又有高祖宮師文編序稱

紹聖中公謫均州又稱建中靖國以來追復原官

與維事迹一一相符知江西通志為誤當以陳氏

為是矣陳氏又稱其初與從兄元龍皆試詞科不

利後官至吏部尚書而不詳其事迹今據其赴信

目錄
三 吳舒帷校

卷二十

墓誌銘十一首

卷二十一

墓誌銘十一首

卷二十二

墓誌銘

墓表

十一首

行狀一首

臣等謹案南澗甲乙稿宋韓元吉撰元吉字无咎

開封雍邱人南渡後流寓信州之上饒集中自署

曰潁川不忘本也元吉宋史無傳陳振孫書錄解

題稱為門下侍郎韓維元孫江西通志則以為韓

維之子攷宋史維本傳卒于元符元年而集中繫

辭解序云淳熙戊戌年既六十有一則元吉生時

自在徽宗重和元年上距元符元年戊寅凡二十

年安得為維之子集中又有高祖宮師文編序稱

紹聖中公謫均州又稱建中靖國以來追復原官

與維事迹一一相符知江西通志為誤當以陳氏

為是矣陳氏又稱其初與從兄元龍皆試詞科不

利後官至吏部尚書而不詳其事迹今據其赴信

幕詩知初爲幕僚據其送連必達序知嘗爲南劍
州主簿據其凌風亭題名知嘗知建安縣據其謝
表狀劄知在外嘗爲江東轉運判官兩知婺州又
知建寧府在內嘗權中書舍人守大理寺少卿爲
龍圖閣學士爲待制爲吏部侍郎中間一使金國
兩提舉太平興國宮及爲吏部尙書又晉封潁川
郡公而歸老于南澗因自號南澗翁併以名集南
澗者一在建安城南爲鄭氏別業見木集詩序一
在廣信溪南見書錄解題攷元吉宦于閩中家于

江右似乎非建安之南澗當以廣信爲是也元吉
本文獻世家據其跋尹焞手迹自稱門人則距程
子僅再傳又與朱子最善嘗舉以自代其狀今載
集中故其學問淵源頗爲醇正其他詩文酬酢者
如葉夢得張浚曾幾曾丰陳巖肖龔頤正章甫陳
亮陸游趙蕃諸人皆當代勝流故文章矩矱亦具
有師承其婿呂祖謙爲世通儒其子名澆字仲止
者亦清介自持以詩名于宋季蓋有由矣朱子語
類云无咎詩做著者儘和平有中原之舊無南方

啁晰之音誠定評也集本七十卷又自編其詞爲
焦尾集一卷文獻通攷並著錄歲久散佚今從永
樂大典所載總裒爲詩賦六卷詞一卷文十五卷
統觀全集詩體文格均有歐蘇之遺不在南宋諸
人下而湮沒不傳殆不可解然沈晦數百年忽出
于世炳然發翰墨之光豈非精神光采終有不可
可磨滅者故靈物撝訶得以復顯于今歟乾隆四
十六年十一月恭校上

總纂官內閣學士臣紀昀

光祿寺卿臣陸錫熊

纂修官翰林院編修臣吳典

後築臺建亭盡攬四山之勝字曰萬象公時以
宴閒臨之命賓客觴酒賦詩以紀一時之盛某
適以舊契之末獲拜公于庭知邦人之德公而
公之能與其樂也退而爲之賦其詞曰

石林先生治閩之初邦人詠歌延覽登眺臨城之阿面
長江之迴旋俯重嶠之嵯峨翦凡草于荆杞發層臺之
新基收攬宇宙以萬象而目之先生曰天地之內所謂
景與物者不可以既也方其交于吾前而其象無窮觸
于吾心而其意無窮惟達者可以道會而不可以知通

矣斯亭也處于戶庭重複之末而出于闔闔膠擾之中
危梯直上十尋倚空窺井邑之鱗次張九衢之飛塵囂
聲晝起人烟繽紛勵絲竹之餘響郁椒蘭之清芬當其
連山如環秀色四出林巒鬱其映帶烟雲度而髣髴陰
晴變態所獲非一極東南而凝睇莽游目于窮髮海波
蕩漾蛟龍驚獠粲朝日之初升數山川于異域颶風角
于天際卷千帆之飄忽或一瞬而千里或窮年于咫尺
瞻雲鵬之獨運哀斥鷃之短翼天池俟其九萬羌決起

于蒿蕝

案莊子我決起而飛捨榆枋又云翱翔蓬蒿之間此通用其語而改蓬蒿爲蒿蕝放詩傳萃蕝

蕭也郭璞曰今蘓蒿也義與蓬蒿可通但蘓是九黍韻與上下句用陌錫通叶者不合疑有誤白鷗去

而西飛澹長烟之遠沒出疇俯見禾黍如績耕夫耦而長謠牛羊散于沙磧餘霞被于林杪明月皎其東壁掛北斗于欄楯瀉銀漢于雉堞披風露之冷爽想飛仙之來接聽鷄犬于雲中奏笙簧之激越歎佳賞之奚盡雖妙意其莫述惟吾祖之所寓與彼物而相得故可以追聞風之遊而謝華胥之國也客有聞而歎曰嗟嗟先生百代之英玉堂金馬載蜚厥聲厭帝所之鈞天斂光芒于一藩而餘風所被猶足以息潢池之盜而慶高廩之

豐年矣今夫此邦之形勢最于八州繚周垣其百里渺澄瀾而爲溝三峯峙而鼎足蓋有類夫蓬萊與瀛洲自無諸迄今千有餘載中更王氏窮侈自泰異時離宮別館乘山矚海而今之所存大則浮屠老氏之室小則公卿大夫之廬鳴鐘相聞擇勝以居飛欄危榭往往而在倚巖壑之幽清翳松檜其掩藹雖一斑之或見曾未若斯亭之宏大碧油畫戟來藩此府往賢近臣蓋已百數慨登臨之遺跡咸褊陋而無取獨先生至而有之舞山光于簾幙馮地勢之襟帶雜支離之萬種爛錦幄其旒

旃薦醅醪于樽俎剝珍錯之螺貝發角微之清唱挽行
雲于天外使邦人聚觀白首驚拜豈吾先生浩然之氣
六合爲隘蟠萬象于胸中耿星辰而不昧遇至美而一
發借佳名以自快而景物之來適際其會彼千古而莫
識信一時之有待者耶于是先生聞之蹶然而笑衆賓
避席迭起爲壽

拙蠶賦

壬寅
年作

韓子晨起視牕中有物延緣投隙抵穿口如飛蛛足若
蟄虻呼嫗輩問之嫗笑曰是拙蠶也絲疏而弗績食飽

而嗜眠亡所用旃戲置此焉韓子感而賦之曰繫樗櫟
之不材兮信能保其天年豈有用之則貴兮抑不用之
或偏吁造化者奚私兮盍亦賦之自然惟桑蟲之何知
兮生蠶蠶而比肩資採摘而不自養兮甘鼎鑊之烹煎
大則施于紈綺兮細則麗爲純綿雖曰衣被四海兮猶
爲蠹蝨之所憐方衆巧之競驚兮萬族仰哺而爭先何
繭栗之弗爲兮恥營軀而自纏匪畏死而遁逃兮將羽
化而飛翽宜婦姑指以爲拙兮蹇冥心于棄捐彼莊生
取喻于犧牛兮支離攘臂于兵間不能務悅于人兮殆

亦自全其天聖有抱璞而深藏兮時有不爭于尙賢粵
撫檻而三歎兮吾亦樂乎太玄

湘竹賦

余懷古而不見兮將弔舜于九疑望湘江之沄沄兮憚
褰裳而涉其涯款二女于叢祠兮庭有翠篠而參差睨
枝榦之爛爛兮淡猩血之淋漓手欲觸而不敢兮心欲
置而復思故老諗余以前聞兮此皇英之淚痕帝遐征
而不復兮淚潺湲于竹根朝日暴而不滅兮嚴霜洗而
不昏度淒風之蕭瑟兮如有餘哀之遠聞彼聖人其亡

欲兮豈曠嬖而惑私雖殘者其抱情兮何一哀之至于
斯夜將寐而太息兮夢恍惚其見之委玉佩以弦琴兮
有美一人其頤顰青蛾而啓皓齒兮肅予前而致辭曰
吾父之至仁兮擇吾嬪于有虞惟虞之能繼帝兮功甚
巍而不居藝稷黍于艱難兮派百川而東駛制禮樂與
法度兮世蓋躋于極治憂勤終以損壽兮南巡五月其
未已乘白雲以逍遙兮無復帝車之可還悼予躬之至
弱兮撫予涕而長嘆考殂落而夫逝兮予之息又不令
天下其將安歸兮生民又焉取正息旣不任于養兮嗟

予死其孰瘞天既高而莫升兮地之厚其可入蹇念此
 以長號兮涕交墮而弗知滋草木以如雨兮與江水之
 爭流惟此君其諒余兮含余淚之莫收歷千祀而弗改
 兮亦其節之素修彼昧者其騰口兮殆妃嬪之後先抑
 予哭猶罔于夜兮顧于此則豈然嗟神言之諄諄兮羌
 不知其夢也且端拂以求諸神兮雖龜莢其不貳也退
 而告于君子兮咸舉以為信也遂再拜而謝之兮吾將
 敬而植此也

擬騷

羈鳳辭

我家既遠兮茗水為鄉中有羈鳳兮飛頡頏朱為冠兮
 黼為裳五色炳兮耀文章音律呂兮韻宮商竹不實兮
 梧則僵翳蒹葭兮飶稻梁虞舜作樂夔在堂集阿閣兮
 麗朝陽胡為去我兮天一方友鳥鴈兮侶鶯鷦吁嗟鳳
 兮其來翔

五言古詩

遠遊十首

我行蓬萊巔俛首見月窟誰言滄海深涉之不濡鞮頰

南浦月之稱
夕
吳舒帷校
波驚魚龍起舞相蕩潏眾真爲一笑黃霧生絳闕獨乘
風中天蹙踏波上月

東隅有神人被髮兩目丹手擎扶桑枝騰光射乾坤朱
鳥爲前驅火龍駕後軒祝融不敢瞬衛以千炎官誓當
掃霜霰九寓常不寒

雷出九地底化爲萬鼓鼙豕首柄石谷割然四海馳夔
魑與罔象辟除靡有遺無私乃帝令風雨多隨之苟能
仆夷伯何怨兒女爲

紫皇宴瓊臺鳳舞鸞且歌翠鬟兩仙女倚歌奏雲和秀

色炯雙璧晴雲艷秋波曲終顧我笑奈此人間何贈以
白玉環綢繆期匪他

大鈞轉一氣急轂無停轅是非與生死膠擾于其間朝
昏互變滅倏忽千萬年豈知達道人直作須臾觀天地
本無物置之奚足言

海水赴大壑雷奔墮空虛火輪煽金剛蕩然爲尾闕一
闔復一闔乾坤猶戶樞萬生保靈根至神守虛無嘗以
物所歸返觀天地初

崑崙九萬里磅礴天地根其下有玄圃茲惟衆仙門翩

南浦甲乙稿 卷一 吳舒帷校
然兩白鶴道我前飛翻問津牽牛星濯足洪河源九關
幸方闢乘之遊紫垣

巨軸載厚地沈沈惟九幽日月所不燭鬼神或拘囚負
臣與支祁亦爲舜禹憂覩彼世上兒對面行姦偷國章
幸可脫天刑此焉投

生死一大夢夢覺誰當分夢中既不了雖覺何足云天
光發吾宇澹然無朝曛至樂不外假至貴斯無文求仙
與學佛舉世徒紛紛

呼吸爲陰陽動靜乃天地猶然一身間至理無弗備蒼

龍駕白虎晝夜分六氣坎離會精神否泰本仁義吾師
不吾欺持以御一世

戊辰三月清明後三日見葉丈于石林承命賦詩

作古風一首

案葉少蘊字夢得石林其居也少蘊
爲元吉前輩故稱葉丈原本作文譌

今改

東風易陰晴一雨曉便止捨舟欣徐行烏鵲聲爲喜
巖石林谷蒼翠間紅紫丈人厭調元玩意丘壑裏鄭公
化鄉閭鄴侯盛圖史千載發詞源一點詣真理霞裾月
中仙珠履天下士時從詩酒樂不負湖山美方瞳照玄

髮眉壽端自此緬懷西湖春荆棘迷故里兩髦看公遊
玉節旋屢弭風塵三十載碌碌類餘子晚登載欣堂馨
欵聞正始榆枋望天池奮迅思決起當謀白雲居敢援
赤松比臨流整游觀三沐聊洗耳

子雲兄命賦祿隱

子牟居江湖而有魏闕心方朔待金馬與世相浮沈古
來曠達士豈必棲山林吾兄官湖南一室橫古今朝披
祝融高暮涉湘水深閒爲漫郎飲戲效愚溪吟聖賢雖
云邈彝訓夙所欽斗水幸見收西江等蹄泔吁嗟咸陽

市做帚希千金應攜忘言子一和無絃琴

題畫卷

少年喜登臨兩腳不憚軟支筇上雲山得酒輒三返一
從老將至所向意先懶豈惟心事乖要自腳力短不如
空齋坐此畫一舒卷超然函丈間意作千里遠漁舟已
逍遙茅屋更蕭散江干所遊歷物色猶在眼浮生固幻
景況乃幻中幻低頭顧吾廬何如住山澗

梵隆大師乞詩隆能琴阮爲鼓數行

扁舟望涵山一塔白雲裏東西互迎送目盡三十里下

有布金園軒牕面流水上人富願力物物盡經始莊嚴
萬人緣功就只彈指空齋了無事鳴琴對清泚游魚應
朱絃萬籟入流徵我來不忍去一聽賞幽耳雨餘新月
上雲物紛可喜莫作箕山吟秋風坐中起

逢人

逢人似相識初不辨名字折腰致寒暄但道久睽異歸
來省眉目髣髴猶夢寐自非知心交君輩定難記將無
半面別正恐呼聲似中年況多忘錯認固無意典刑要
深思摸索豈難事尚想睢陽公一見了奴隸

寒食前三日攜家至丁山

春事已過半豫懷風雨憂苦無親朋樂自攜兒女遊丁
山峙城南老稚載一舟狹徑登詰曲軒牕居上頭遐觀
接去鳥俯視臨清流溪花正爛漫堤柳綠且柔杳靄煙
雲間前瞻帝王州田野亂碁布山川莽相繆病妻不能
飲取酒自勸酬鮮妝誰家婦造席爲我謳風光亦可醉
景物似見留惜無百金資買此林壑幽歲月實易得里
閭尙沈浮歸來暮鐘響蘋風動滄洲

上巳日王仲宗趙德温見過因招趙仲縝任卿小

集以流水放杯行分韻得行字

春事倏已晚
飛花送啼鶯
長安三月三
水邊盡傾城
緬懷杜陵老
感之見歌行
青鳥忽飛去
素鱗盤水精
往事誰復識
夢繞白玉京
謁來官閩陬
江湖渺餘情
嘉節閉門臥
客愁隨日生
風光入樽酒
使我嗟獨傾
良友慰寂寞
惠然成會并
金枝三雋才
千里未可程
王郎烏衣舊
高論玉麈橫
相逢寄觴詠
樂此天氣清
不知山陰會
絕唱疇能賡
庭隅有幽花
粲若萬玉纓
好風亦知人
微月相與明
蕭蕭城東路
頗復歌吹聲
景物正自佳
天涯意

難平不須恨陳迹且用催詩成

上巳日與客遊張園

簿書有餘閒
春日亦已永
況逢佳節休
朱墨得暫屏
名園跨江郊
危檻俯千頃
平蕪雨初勻
弱柳風自整
芳尋寄蕭散
意適忘醉醒
持觴挹花色
散策步林影
雖無歌舞妍
所愛亭館靜
佳辰天氣清
泉水助幽冷
緬懷山陰會
脩竹帶崇嶺
應知佳客臨
懷抱均一騁
君看結綺地
茨棘翳智井
當時摩賤人
正復對此景
江山幾興廢
歲月侵老境
但願中聖賢
疇能計鐘鼎

避暑靈泉分韻得水字

閒居亦無營歲月駛流水適聞新蟬鳴
袞暑遽如此佳哉二三友久要復鄰里
憐我疾病除慰我懷抱喜居然肯見顧
岑寂聊啓齒空山百無有翠阜映清泚
幽泉俯伴月益益真石髓坐久得清涼
山餅還屢恥一杯樂所遇靜勝有真理
誰能走懸箔赭門趨朝市炎歎不可觸
暑雨欣漸止幸有故人風相過時洗耳

七夕與孟壻約湯朝美率徐行中遊鶴山

城市競時節幽尋固難同舊聞鶴山奇
欲往歲屢窮茲

辰尚殘暑夙駕乘西風楚俗候飛鵲
階庭鬧兒童誰能事針縷覓巧瓜果中
起攜東牀友況得下榻翁青蒲有傑客
放懷適相從一招雲中仙共呼潭底龍
翠壁聳嶺峯龜魚澹遊空泉源幾萬斛
石竇藏豐隆久知神物交解致零雨濛
我田甚無多例思年穀豐公才正類此時
至會有庸竹間小招提閬靜無鼓鐘枕石
漱甘井荔丹啓筠籠若據兩石羊摩抄古
狄銅高談劇霏屑壯氣吹長虹可無樽酒
綠遂使老頰紅醉語或不省嘯歌亦春容
歸歟興難盡月明照風松

雪中以獨釣寒江雪分韻得獨字

常年待三白此語未免俗誰言歲將徂一雪自云足魃
妖與癘鬼不待巫茆逐初喜沒馬蹄還驚上牛目三日
雪不休冰漸被茆屋我貧固無事尙賦一囊粟長飢望
年登政恐麥不宿天公豈相撩饋以萬頃玉胡來一堪
煮茗椀薦新菊牕中有佳致一水臥寒綠城闔闕在眼
況復見巖谷相過二三子共喜醅甕熟狂歌且暫醉夜
半還秉燭猶勝杜陵翁山中掘黃獨

雪中從邢懷正乞酒

櫺具高挂頰風塵客長安長安不宜客歲暮仍苦寒夜
聞陰風喧曉看雪漫漫天公非惡劇笑我貂裘單坐令
歌南山白石空巘岼正不妨我嘯憑高事遐觀四海同
一雲更覺天地寬平湖發遠景松竹如龍鸞巉然兩峯
高玉峙峨瓊冠緬懷邢公子重城有家園水石帶林沼
幽亭厭雲端仙粧映疎梅秀色若可餐璇題散冰筋晶
鹽貯牙盤清歌出絕唱筆間走波瀾幾欲泥君飲持杯
聽幽蘭君家碧琳腴到手無復殘正豈須羔兒尚能追
清歡蹇驢不敢出強作哦詩酸詩成不能寐起舞清夜

關儻可致麴生當築白玉壇

自國清寺至石橋

出郭天氣陰驅車日亭午漫漫山中雲猶作衣上雨仙
山八百里勝槩隨步武稽首金地尊棲心玉京侶浮空
方廣寺樓殿若可睹石梁瀉懸流下有老蛟怒我來淨
焚香千花發茶乳擬訪林下仙飛來但金羽

巖泉道中

出郭心易清看山眼難飽疎疎水中梅殘雪相與好歲
華云已晚官況良自笑日暮城東門霜風動衰草

隴谿巖

丙寅
年作

蒼崖兩分張絕壁千丈起溪流忽奔注萬石相披靡跳
波作驚雷跬步清見底攀藤上巉巖卻立半空裏幾年
天師廟欄柱岌無址幽禽答遠響山花亂紅蘼我來不
知疲危棧劣容屣同僚具壺觴腳軟正須此塵埃得遐
矚真賞契心耳只應潭中龍見客亦驚喜

寒巖分韻得水字

青山如幽人不肯住城市客從城市來一見消吝鄙平
時與周旋況復非俗士我初見南山秀色紛可喜謂言

官塵埃洗滌端在此經時未一至引望若千里昨朝得
休暇佳興難自已秋原麗新晴景物爲清美獨遊已不
惡更約二三子初從澗壑危稍入巖石倚白雲隨杖藜
蒼烟生屐齒主翁亦好事結茆脩竹底庭空百無有屈
曲但流水客來了不問花草自紅紫豈無一樽酒欲飲
還遽止歸鞍不可速吾亦聊洗耳

松江感懷

忽忽倦行役栖栖問窮途生涯能幾何所抱詩與書淒
涼吳松路不到十載餘當年路傍柳半已陰扶疎繫舟

上高橋春水正滿湖鷗鳥如有情見人遠相呼境豁目
爲縱興長心特舒尚想張季鷹此焉賦歸歟生前與身
後底用論區區但當酌美酒一鱸江中鱸

丁丑仲春將渡浙江從者請盤沙予畏而不許旣
登舟乘潮以濟中流膠焉捐十金募數力竟至沙
上僅達西興狼狽甚從者笑之感而賦詩

桑田變東海此語聞自昔嗟我百年人耳目詎能識誰
言錢塘江遂有車馬跡漲沙莽雲屯衣帶僅尋尺我初
未渠信束簷俟潮汐是時月旣望春晴好風色同舟二

南浦日之秋 卷一 三
吳舒帷按
三子擊楫意頗適中流類坳堂竟作膠柱瑟褰裳亂濤
波植杖負囊笈居然濯我足長堤慰行客西興忽在眼
喚渡猶頃刻鯤鵬定何之魚龍豈遷宅斜陽照高岸得
酒餞寒濕平生忠信懷對此徒感激翻成僕奴笑撫事
吁莫測莫問曲池平空悲峴山側

望靈山

嶽鎮古所錄茲山諒其遺憶從西江來恍惚欣見之初
疑春雨晴雲物出怪奇稍稍對巖壁森森面嶺奇紛紜
類列障散漫如連帷磅礴千里間衆景皆奔馳頗訝地

軸湧未覺天柱虧不讓崑崙高遂使泰華移諸峯七十
二磊砢略可推駢觀擁佛髻遠睇凝婦眉大或覆鐘鼎
細亦銛刀錐石櫃一何高梯天此爲堦崩騰鐵馬羣中
有大將旂身居萬石貴氣壓累卵危雄傑亦莫狀清深
亦餘姿蛟螭護絕礎草木忘四時豈知水晶宮闕藏神
所司陰崖彼何靈頸斷不敢悲

建安城南鄭氏居號南澗山水甚幽子始至欲遊
率奪以事秋九月事少閒前二日折簡招客客半
辭旣命駕辭者復先在相與追逐詰曲由田中梁

溪並山麓隘不可興行二百步始得寒巖磴犖确
羊腸而上鉅竹生石間舉武疲曳休小亭至上方
牕戶明邃從疎林瞰遠山如綺疏中望通衢也西
漸走水養魚植菖蒲石上纖巧可愛有僧懼甚云
山故銅冶也指其穴已爨篝火之跡亦猶在山半
有巖隔小澗橋壞不可越門有水閣平田秋色稼
穡彌望主人畏客戒勿置酒因取茶烹之求觀其
面三返僅得入則流觴亭初爲坳沼亭中稍集亭
下水車輪轉別亭俯方池環植海棠少坐日已西

攜酒詣開元僧廬絕溪而南中流見城市水面平
直如大江舟銜尾槩聲相上下意樂之集丹青閣
閣底巖桂盛開面之置樽俎將登陸羽亭憊不果
取泉試小春新芽舉白歡甚分韻賦詩明日又以
秋氣集南澗爲韻自賦五首云

朱墨日過眼溪山誰復遊夜聞西風喧起看天地秋王
事有休沐駕言指林丘新晴鳥烏樂路入南澗幽高峰
左右列野水縱橫流問舍苦不早求田亦良謀

高岳跨層巔一徑入蒼翠三休徹上頭卻立睨平地當

年寶藏與中夜出光氣至今石縫裂篝火尙能記盈虛
誰可測開闔神自秘空房有殘僧骨冷夜無寐

入山衣屨寒出山衣屨濕初迷烟雨來稍識雲氣集空
濛掠面過可玩不可執不知市塵地去此凡幾級青松
入長望白鳥伴危立冷然笑身世萬事何汲汲

有酒不得飲呼船過溪南溪南亦何好古寺依晴嵐上
有百尺樓下有千丈潭城闔一目盡晚山日相銜烹茶
弔陸子蠟屐登巉岳相逢作行樂猶勝空坐談

秋風何時來午暑忽已散娟娟木犀花弄藥亦璀璨清

香不自惜擁鼻得奇觀古來達道人至樂在山澗藝蘭
與種蕙採掇契幽願置此勿復言吾方困遊宦

李仲鎮懶窠

癸未
年作

我性天下懶自謂世莫雙竭來官中都懶極濟以憊有
如千黑魚東西轉橋石又如橐駝臥厭逐羣吠龙鼻洩
任縱橫胞轉徒降肛紛紛夸奪兒見我語輒哢平生李
公子老大同鄉邦奈何奪我有收斂付一牕作窠寓以
名異音乃同腔金馬可避世何殊鹿門龐君看富貴塗
機危甚緣槿爭榮僅錙銖力欲九鼎扛金朱擁丹轂視

之亦螻蛄愛君陽羨居有田種蘭苙溪山帶城郭松竹
環旌幢連娟幾脩眉清歌艷明釭客至卽盡醉不待金
石撞尙餘詩語工詞源倒三江好懶得真懶使我心益
降何時半作分臨流聽琤淙

趙仲績梅川

堂前面羣山堂下俯流水揚雄一區宅歲晚何在此將
無山水佳更爲風物美城隅三家渡華屋照清泚舉手
招梅仙低頭叫陸子前松後梧竹左桂右蘭芷江花漾
茶甌巖樹排棐几客來索無有樽酒間圖史不作隱士

廬合號君子里吾人天潢秀時至當決起飽餐南嶽芋
閒曳東郭履山名不負儂因之得名字彈冠可前卜問
舍真早計笑殺陶淵明酒資良未遂

題鄭舜舉蔗庵

吾州富佳山脩竹連峻嶺居然縛塵埃一見輒心醒豈
知刺史宅跬步闕清景古木盤城隅石徑幽且迴當年
徐常侍坐愛雲水冷溪南羣峰秀蠹蠹錐出穎鄭公閉
閣暇獨步毘廬頂曰此氣象殊逍遙步方永喚客倒清
樽燃薰煮奇茗庭空無一事賓吏絕干請佳處由漸入

斯語煩記省淵明嘗有語結廬向人境恍如白蓮社揮
塵對宗炳誰云忙裏閒要識動中靜我來款妙論散策
步林影心田豁叢茅氣馬罷征騁他時記棠陰老意亦
深肯

朱元晦清湍亭

青山足佳遊遠睇欲無路稍尋絕澗入始辨雲間樹泉
聲若招客倚杖得夷步驚湍瀉亂石激激有清趣風微
鳥哢幽日徹魚影聚居然魚鳥樂正欠幽人住野僧豈
忘機作亭以茲故因君賦新詩我亦夢其處

題潘叔玠家達觀亭

車塵蔽重城俯首但闐闐誰知達觀亭自與空闊對青
山接簷楹白塔見雲外迢遙眼界淨妙處心境會平生
九垓期洗耳聽犬籟一爲簿領縛局促無可奈每憑君
家欄曠若解鈴欽躋攀得遐矚頓覺天宇大頗慚北山
移欲賦楚臺快泰然發天光閒目了無礙

列岫亭用范伯升韻

自我來南溪池塘幾春草結茅依雲端愛此山四抱奇
峯七十二羅列景逾好豈殊謝公牕澄江更縈繞孤城

千家邑一目可盡了
 植葵思夏深種菊待秋杪
 物華靜中見至理得深造
 東山與魯郊底用評大小
 平生丘壑心計拙詎能巧
 亭臯遠俗客曳杖日頻到
 簞瓢樂未改在澗槃亦考
 況有吾人詩飄然異郊島

凌風亭

集中有凌風亭事狀

西山如層城壁立有堅對
 逶迤雉堞出一水相縈帶
 誅茅發頽垣偶與嘉景會
 天風無邊來雲日為破碎
 誰能了蘋末直欲跨鵬背
 飄然壓塵土九壤真一塊
 王喬幸齊驅禦寇亦同載
 不知吏役縛且樂公事退
 春光到花

木欄檻愜清快相期睨南溟
 整我飛霞佩

丹青閣

傑閣跨虛壑危欄轉層峯
 城郭麗朝暉山水涵秋容
 幽尋適暇日況有佳客從
 微官厭趨走野性便疎慵
 少攄泉石願一洗塵埃胃
 卻上陸羽亭褰裳踏風松
 東軒俯喬木高花爛芙蓉
 感此節物換愧爾樵漁蹤
 清談且蕭散酌飲亦時供
 興闌勿遽嘆勝遊當復重

清暉閣

臺府填都會乃與山水期
 青溪帶秦淮渺若萬頃陂
 主

公金閨舊官曹日追隨閉閣理萬事朱欄俯連漪晴波
 納遠景搖蕩扶桑枝浩然江湖興頗與魚釣宜風月朝
 暮佳軒牕有餘姿向來非無人未發此段奇嗟我老病
 軀時來矚須眉停杯待舉網屢醉倒接離意適反無語
 欠公壁間詩只今入幽夢官居類雞栖公亦那久留濯
 纓詠來思不知鳳凰沼何如習家池新霜著羣木歸州
 颺旌旗寄言坐上客酒至幸勿辭

溪山堂次韻

幽人誰與娛作堂而溪灣堂中有山色朝暮來雲間正

作杜老狂頗異韓子姦超然物外景便覺非人寰登臨
 得遐矚似破天壤慳詩成隱几笑溪山亦開顏繚繞明
 鏡中參差峨髻鬢苦無俗客語但聞鳥間關出門曳藜
 杖賴有此往還虛名兩蝸角自鬪觸與蠻時平衆賢聚
 君胡得長閒會從車騎出勒石燕然山正恐萬里塗高
 轅不容攀

歸樂堂

朱子文集載歸樂堂記云予嘗爲吏于
 泉之同安而與僊游朱彥侯實同僚卽此

也

百歲自逆旅微官更周流應知歸來樂不減萬戶侯淵

明二縣尹折腰憎督郵松菊繞東籬田園事西疇素琴
酌樽酒稚子相獻酬朱侯青雲士頗復有此不方爲功
名驅乃與賢達侔築堂寄閒暇笑談指林丘蕉黃間荔
丹嶠山薦新芻嗟我實何人市朝亦淹留因君動佳興
擬作汗漫遊安得二頃田可臥百尺樓

護國寺次前婺州韻

雙娥渺雲端流水但空谷尚喜雲外山娟娟作眉綠佳
人不可見夜半風滿竹竹聲入清夢野客慰孤宿山中
富蘭若欲往寧畏獨老僧亦知人逢場共竿木林芳得

清心幽澗供濯足便可賦歸歟簞瓢勝鼎肉

喜呂令防歸

閒居玩編簡蕭然罕朋儔古士信可佳欲語不見酬豈
如平生交臭味能相投別久得會面笑談解人憂況君
復比鄰共此一壑幽招邀接步武文字資討求昨朝喜
君來快若沈疴瘳開口四五笑壘壘談未休鷄鳴任風
雨疇能記窮愁因知名教地至樂真天游新涼動梧竹
柴門掩清秋三徑無雜華莢葵散金甌年豐魚蟹熟樽
酒亦易謀相過勿厭數此外俱悠悠

毛文仲惠文編

平生毛公詩訓傳固已久紛紜齊魯失浪自開戶牖至
哉一言蔽可用嚴墨守淵源見雲仍夢澤吞八九雕章
與棘句錦繡間瓊玖疑如犀始擢粲若蚌初剖肉食乃
聞韶晝日或見斗三百篇未忘七十子何有應如摩天
刃要是修月手時來豈無用妙處端不朽君看夸奪兒
在後熟顧叟喧啾蛩負戶嘈噴蟬蔭柳誰令口鳴悲正
使心欲嘔豈無熊羆士底問牛馬走岵巖金閨門豪傑
自先後而君尙窮滯履敝衿見肘才名三十年骭髀驚

白首我慚拜嘉賜幼婦連壘白相望百里遠曾未共樽
酒期君頌中興步出次山右

寄趙德莊以過去生中作弟兄爲韻七首

悠悠功名期苒苒歲月過勞生閱半百僅爾脫寒餓山
林有夷塗此責當萬坐閉門歌陽春非君諒誰和
憶昨鍾山來君亦湓浦去今年赴湓浦鍾山復君住出
處每相似屢觸衆狙怒毀譽久自定子賢吾亦庶
士苦不自重貪名乃忘生向來望塵子得車定何榮浮
雲蔽天壤豈碍日月明惟餘金石交可論藏與行

築城始議戍寓兵復言攻二年大江南兵戈在目中憂
時亦千慮惟子與我同詣闕請長纓終軍本兒童
我初見君詩謂世無此作飄零三十年文思各衰落俱
持使者節恨別還作惡未置白玉堂端須著巖壑
我生少孤貧四海兩兄弟拊嫗賴母慈離別幾揮涕宦
遊與夫子中外輒相值所恨姓氏殊孰云情好異
處世那近名居官敢言清平生阿堵物疇能字之兄春
風一杯酒與君花下傾窮秋動搖落江湖渺離情

送湯朝美還金壇

騰駒輕臥駝野蔓欺落木舉頭便干霄春至亦重綠人
生百年內萬事紛過日得爲蠖步伸失作蠅頸縮古來
曠達士一視等蠶觸功名本時命用舍豈榮辱湯公涉
南荒歲月猶轉轂幾年臥新州寧肯事雞卜身安一瓢
飲志大五車讀竭來靈山隈蹙然慰虛谷濯足山下泉
愛我泉上竹相從一長笑忍效阮生哭胷中經濟略欲
語動驚俗誰知天意回歸棹如許速春風正浩蕩江水
清可掬海濤拍千峯挂席下浮玉遙欣倚門念三徑歡
僮僕送君得無恨我步嗟局促要看萬里途更試籬雲

足家山幸母留吾皇思陳贖

送楊安止罷信幕赴調

後生仰前輩今世思古人豈重歲月久所懷風俗淳昔
我家閩中龜山實其鄰出門尙羣盜欲往志不伸相從
朋舊間得語盡可珍俯仰今幾何遺編半埃塵白頭入
幕府始與夫子親夫子龜山裔麇麇見祥麟晚同柱後
史無心問平津典刑在眉睫温然異羣倫向來簿領中
挾書聽諄諄豈不開我塞異聞此其真亦或舉樽酒笑
談忘賤貧同僚各分散世事日以新遙憐鄭公鄉俎豆

猶莘莘彈冠定不苟家庭有書紳道學固未泯吾謀復
誰陳尚想金馬門西湖醉餘春

送趙任卿蕪湖丞

青山照濡須江駛不可渡當年黃鬚兒跨馬識其處
雄有遺跡草木尙西顧孤城千家邑政爾橫故戍翩翩
隄公子儒雅稱風度金門向蓬萊曾未試闊步疇令一
官卑僅乃高尉簿得非多言窮定坐能詩故相從十年
間了不見喜怒千金第深韞至寶可輕付江山落君手
判斷得佳句誰歟招得仙我欲起謝傅似聞王師出鼙

南浦日乙種 卷一
三吳舒帷接
鼓近營駐老生固常談愚者亦千慮一樽別時酒且用
慰遲暮去去無久留功名有夷路

送杜少卿起萃知遂寧府以高名千古重如山爲

韻七首

男兒生世間身名要俱高苟不得其所富貴輕鴻毛古
來獻言士忠嘉極夔臯尚友千載餘斯心豈徒勞
十年天壤間久矣聞公名詞華少陵系臭味修水甥一
著解廡冠讜論驚縱橫九卿固美秩不如偃專城
國朝御史府一代名多傳暫退或久庸始愚亦終賢得

失安足論俯仰歲已遷但存愛君心豈憂時命遭

厚味得無毒良藥信多苦毒留患滋生苦過疾自愈吾

君堯舜資事業方復古公行幸遲遲去國猶去魯

靈旂出江淮犀甲下秦隴先聲敵已寒百戰有餘勇手

斂權貴避膽落將士懍誰歟任司直用舍繫輕重

西京蜀都望淵雲暨相如節誼知不足文章焉取餘凜

然見風采吾非斯人徒峩峩眉山陽不但聞三蘇

征帆轉吳楚涉江指岷山富貴歸故鄉昔人以爲難大

府固可樂高風亦難攀豈必待政成甘泉行賜環

清曠亭送子雲得有字

歡期苦難逢離別乃易久天涯老兄弟況復親白首田
園固不足功名亦何有今年送兄行正爾作太守池陽
古名郡地控大江口舟來武昌魚車載桑落酒登臨得
齊山端不負重九公餘亦堪樂尙有此客否天威動江
淮狂寇行授首努力幸馳驅腰看印如斗

別子雲

離觴不解醉愁多令酒醒別懷亦云惡況此兄弟情春
風釀寒雨十日未肯晴回頭易千里江南短長亭

次韻韓子師遊三洞過赤松

山城一雨足水滿高下塘好風從西來蕭然終夕涼
變彼池間蓮當軒洗紅粧官事無時休涉筆鴈鴛行豈知
青雲客夙駕遊寶坊坐厭市井塵步尋松桂香陰崖有
靈湫玉簡帝所藏摘石收澗碧梯空擷林芳金盤薦鱗
脯冰壺注瑤漿更語妙道根寶篆開函琅路轉九曲溪
著足千仞岡舊聞井中丹清宵發神光直欲餌碧霞誰
能擣玄霜朝來得君詩險韻句復長使我鴻鵠心歛爲
天際翔仙人亦舉手笑我徒奔忙語默付一笑物我當

兩忘獨攜非有生但醉無何鄉

次韻祐父秋懷

詩人固多窮飲水但飢臥誰能趨權門殘冷分涕唾爭
名與馳利到眼不一過居然流俗罪我爾乃同坐得爲
荀郎弔失作蒯生賀卻笑貨殖翁高談六雄破愁來挹
黃妳悲至邀白墮感時忽秋吟蟋蟀正相和

依韻恭和御製秋懷

商飈起璿霄爽氣靜瑤海聖皇撫時運喜色動眉彩
旗佇西指乘轅行北改濤聲鼓萬壑夜半響竽籟漢儀

欣復見周鼎知德在猗歟沛中歌雲飛風正大

次韻升之叔秋懷

客至得濁酒共飲消百憂涼颿颿短景感此歲已秋忽
驚草木隕尙喜禾黍收九鼎豈不慕二頃亦良謀往聖
實有言未覺富可求

平生八見女而存者五人比又得女少稷作詩見
寬次韻謝之

漸老思似續撫懷良惘然空餘歲寒心凜凜松柏堅平
生孔明婦貧賤房且專生女不生男造物寧我偏變彼

五嬌兒弄瓦相隨肩人言可禦盜無乃繆以千囊金不
辦嫁擇婿那敢全今年又增一比比安求旃覺貧與覺
富可笑還可憐向來兩童烏泡幻隨變遷應門固未計

疇復與我立我家豈無人文章紹編箋退之解其子云固宜常有人文

章紹編箋經心不能釋欲語氣已填筮言晚當見默禱資明

蠲行年且四十那得慰眼前陶公謂勝無此論吾師焉

舒宣儻可待弓裘猶足傳淵明詩云弱女雖非男慰情良勝無則五子亦後出也

今者事方殷煩君費詩篇君詩妙難敵巨刃迎小鮮炯

炯明月珠一一照眼圓吁嗟人生事歲月如奔川豈不

舒我憂熊羆夢豐年蓬門亦何祥但見巾幌懸會當亦

添丁荷鋤賦歸田老妻鼓掌笑子意將誰愆須知百男

惡未若一女賢矧子四壁空蓋頭無尺椽兒女分所定

底川相鑱鑄尙應具扁舟江湖窮派沿爲君聘絡秀椎

牛事烹煎

明遠次韻超然談道因以謔語爲戲將無同耶

忘機亦忘言政作口挂辟因君強一語習氣乃乘隙昨

夕飲君家看朱忽成碧醉歸城南路不記足所歷尚想

兩紅粧翠袖香襲積我歌君爲舞舉手還恨窄詩成漫

不省歎我真惡客賸肯來看山未厭一水隔

次韻子雲送兒女至昭亭見寄

巖巖昭亭山度歲一再行吾親在其下有路如砥平風
物歲時佳豈問楚與荆胡爲不得往使我涕泗橫出身
備王官敢自頽家聲聖皇察庶獄小大必以情哀矜且
勿喜死當使之生念昔樓閣陬孤童共營營菽水曾幾
何青紫望一經弟兄亦云幸假節仍專城別離乃頻有
僕奴費邀迎安仁賦閒居要自賢西征板輿日歡侍兒
女森在庭豈比隔山岳空書問安寧薄田可負郭不歸

定誰令壯士志中原邊塵暗幽并擬躡冒頓居端謀渭
南耕書生復何事三入老承明應知當饋歎廊廟資扶
傾忍作寒蟬喑願爲威鳳鳴

次韻子雲種竹

官居地多隙種竹及春早蕭然三畝園便可事幽討
巒寓巖石一目惜盡了移根互掩映取徑作深杳飛來
幾烏鵲相喚亦栖繞微風與新月屢舞欣嫋嫋乃知亭
館閒有竹自能好堂前藝梅花堂後列萱草叩門有俗
客未至跡已掃遙憐敬亭下巷僻客仍少庭隅方解籜

再清甲乙稿 卷一
三 吳奇惟校
相對亦社保吟哦五字句飲水良不飽春雷發頭角繭
栗未應小卜居如有得破地出池沼胷中千畝計豈顧
萬事擾他年醉林間準擬成二老

連日得雜花數株藝之池亭感而有作

七十已過半所向意不如一官計大州僕僕畏簡書酒
薄不可醉歌舞見已疎亦有淡生活詩成自相紓池面
數尺地荆棘試翦除爲覓桃李花養根待春初日暮公
事已呼童細耘鋤稍稍淨朽壤依依列荒墟歲月能幾
何坐見紅綺舒更須土脈動藝柳分芙蓉賞心固難事

寓目良有餘卽此且痛飲三年冀安居勿言傳舍耳吾
生亦蘧廬苟無名利著朝市均樵漁

對梅

吏事紛俗語新詩固難成朝來見梅花詩興還自生江
頭十日雨雲色開小晴高山帶微雪北客眼爲明應憐
此花開與雪猶爭衡天公翦六出未敵枝上茁蕭然北
牕下冰壺看斜橫坐想南山中晚風千樹清平生一尊
酒肯爲桃李傾幽香莫零落送我扁舟行

食田螺

幾年客勾吳盤饌索無有鯉鹹阻彭蜺臭腐羹石首牛
心與熊掌夢寐不到口竭來靈山下空腸尚雷吼苜蓿
映朝餐杞菊富有藪相過有賢士無以侑卮酒躄躄樽
俎間見此青裙婦百金買市城競拾不論斗枵中本離
化黝質真坤耦稍稍被寒泉纍纍付清滌舒觴頗甘參
室戶還畏剖芼薑摘其元璀璨置瓦缶中年消渴病快
若塵赴帚含漿與文蛤未易較先後吾生亦何爲甘此
味豈厚醢之自周官況我乃田叟尚殊鼠供蘇復類蟊
餉柳北風飢竹實南俗夸針取北人以螺作弗吳中
富家以銀針食螺雖

非綠紋酌僅免青泥嘔據龜定應用噉鮓良可醜誰能
事顏色此腹嗟敢負詩成調兒曹吾意真亦偶

雲洞

原注在信州西案此
詩据廣信府志補入

揮策度絕壑撐空見樓臺丹崖幾千仞中有佛寺開老
僧如遠公膺門走蒿萊下馬問所適褰衣指崔嵬飛闌
倚石磴曠蕩無纖埃坐久意頗愜爽氣生樽罍仙棺是
何人蛻骨藏莓苔舉酒一酌之慨然興我懷丹砂固未
就白鶴何時來不如生前樂長嘯且銜盃

南澗甲乙稿卷一

南澗甲乙稿卷二

宋 韓 元 吉 撰

七言古詩

跋北齊校書圖

齊文宣天保七年詔樊遜校定羣書供皇太子
遜與諸郡秀孝高乾和馬敬德許散愁韓同寶
傅懷德古道子李漢子鮑長暄景孫及梁州主
簿王九元水曹參軍周子深等十一人借邢子
才魏收諸家本共刊定祕府紕繆于是五經諸

史始無遺闕此圖之所以作也山谷所謂士大夫十二員今范明州謂逸其半者皆是矣至唐已隔周隋二代不知何自得其容貌髣髴耶高氏起北方以兵力奮然敦尚儒風立石經典翼序定向書于涼風堂質經義于春宮意當時文士亦歆豔之故相傳于圖畫哉流及後裔文林之館旣興御覽之書繼作無愁之聲已播于天下不抹其亡故予感而賦之云淳熙八年正月

庚申韓某題

高齊校讐誰作圖一時紬書亦名儒網羅卷軸三千餘俗儒非真類迂愚雌黃是正定不無虛文末學徒區區豈識治道通唐虞文林高館希石渠後來御覽嗟何書修文偃武事益誣轉頭鄴城已丘墟峩冠廣袖長眉鬚丹書寫此猶不渝高鬟侍女曳紅裾兩騅帕鞍立奚奴罷琴涉筆傾酒壺蘭臺供擬信樂歟不知畫手安用摹無乃逞巧聊自娛千年視之一歛歟君不見文皇學士十八人謀猷事業皆功臣瀛洲舊圖應更真諸君尋觀爲拂塵

陵務觀寄著色山水屏

我居面山俯潺湲憑軒臥牖皆見山山光水影入懷袖
秀色爽氣非人寰故人憐我新結屋猶恐看山未能足
丹青寫作何許圖不礙閉門聊縱目千峯繚繞生白雲
小舟蕩漾橫江濱樓臺高下出蘭若杳渺似有鐘磬聞
坐驚巖壑環四壁寥落高秋變春色方壺瀛洲遠不隔
武陵桃花定誰識君不見韋侯絕筆畫古松黑雨白日
摧虬龍杜陵老翁三歎息況有山木洪濤風又不見玉
堂真仙草詔罷靜愛春山郭熙畫文章信美身不閒清

嶂白波眼中借我今乘問身未衰杖藜獨步哦新詩出
門見山入見畫佳興自喜來無時臥龍山腰鏡湖尾知
有高齋照清泚功名逼子未得休歸坐玉堂應記此

儉詳出示所賦陳季陵戶部巫山圖詩仰窺高作
歎息彌襟范成大嘗考宋玉談朝雲事漫稱先王
時本無據依及襄夢之命玉爲賦但云頰薄怒以
自持曾不可乎犯干後世弗察一切溷以媒語曹
子建賦宓妃亦感此而作此嘲誰當解者輒用此
意次韻和呈以資拊掌

三吳舒帷校
瑤姬家山高插天碧叢奇秀古未傳向來題目經楚客
名字徑度岷峨前是耶非耶莽誰識喬林石廟常秋色
暮去行雨朝行雲翠帷瑤席知何人峽船一息且千里
五兩竿頭見幡尾仰窺仙館至今疑行人問訊居人指
千年遺恨何時伸陽臺愁絕如荒村高唐賦裏人如畫
玉色頰顏元不嫁後來飢客眼長寒浪傳樂府吹復彈
此事牽連到溫洛更憐塵襪有無間君不見天孫住在
銀河滸塵間猶作兒女語公家春風錦瑟傍莫爲此圖
虛斷腸

題陳季陵家巫山圖一首

案此首卽前韻疑卽所
謂檢詳出示者恐非韓

元吉作今無別本
可校姑仍其舊

蓬萊水弱波連天五城十二樓空傳行人欲至風引船
不知路出巫山前巫山仙子世莫識十二高峯作顏色
暮去朝來雨復雲却將幽恨感行人江流東下幾千里
日日飢鴉噪船尾靈帳風生酹酒漿古廟煙青客遙指
崧高漫說甫與申道旁況有昭君村娥眉妙手不能畫
枉學瑤姬夢中嫁黃牛白馬江聲寒昭君傳入琵琶彈
漢庭無人楚宮遠陽臺寂寞空雲間君家此畫來何許

南浦月乙和 卷二 吳舒幘校
照水煙鬟欲相語要須媚服令侍旁不用作賦迴枯腸

鄭仲南五梅圖

江南酒美樽不空十年醉倒梅花中經行所見略可譜
一一秀骨含仙風不將鉛華污真色亦有醉臉勻春紅
重英千葉兩何好玉立但喜肌微豐紅綃金縷變新樣
品異獨許天香同花開到處卽吾圃水寒月淡煙空濛
醉來踏雪更起舞長歌目送南飛鴻自後春歸厭寂寞
坐覺桃李難爲容忽驚橫軸入吾手世上猶有丹青工
扶疏清影臥空碧一笑似喜曾相逢君家亭館安用此

此物自昔添詩窮詩成妙手儻不惜畫我曳杖穿芳叢

龜峯行

吾聞靈龜不願死有用于清廟但願曳尾安泥塗所以
漆園吏坐歎清江使者逢豫且龜峯之龜定何物不在
泥塗之下乃在萬仞之上高突兀是耶非耶遠莫測安
然不動藏其穴伊昔帝堯有聖德此龜無乃負圖出圖
成授帝埋其骨猶使琢石志之存髮髯又疑神禹碑刊
在衡山巔碑高上與日月並此猶其跌棄不取神鬼守
護踰千年我欲詰其端此事恍惚無迹往往皆在太古

前斗中神人被髮立蜿蜒佐之從汝蟄九陰司存當在
此今汝巢南失其職又聞巢縣事頗以伊尹生空桑母
媪避水欲徙去待汝兩眼生赤光遂令萬室之邑化作
魚與鱉汝乃遁走至此藏上天震威趣汝壽使汝扶服
死且僵醜形質磔在石筍上不可以鑽不可以灼不可
以搯牀奈何猶復不自斂荒崖斷壑反以名字彰因思
支祁鎖頸泗水中帝以巨鎮岌岌壓其宮名之以山不
以峯豈有形狀與此同吁嗟此山氣象槃礴亦雄偉奇
峯羅列三十二或如威鳳昂其喙或如俊猫立且戲石

鍾孤撐危欲墜蜃樓矗起見天外大眺么麼不足記神
旗鐵壁非一類何用獨取汝之名字豈汝黠且庸鼓妖
術怪百里內使汝生存跌宕安可制我初信汝靈今復
知汝凶江湖波濤洶湧不一濡汝足雲霧呼噏陰晴變
態猶無窮不知造物安用此徒以動蕩耳目夸兒童何
時巨靈引手擲汝八荒外舉頭直見天穹窿

永豐行

丹陽湖中好風色晴日波光漾南北湖岸人家榆柳行
風颭低昂似迎客繫船並岸聊一呼老農指是官田圩

長衫紫領數白輩見我羅拜長嗟吁政和回頭五十載
官長築圩宛然在東西相望五百圩有利由來得無害
官圩民圩奚所拘此地無田但有湖圍湖作田事應爾
底用徹地還龜魚民圩不堅自招小水潦何常鎮如此
官圩六十里如城削平爲湖定河里請看今來禾上場
七百頃地雲堆黃縣官糴米三萬斛度僧給牒能商量
我聞此語汗生面千聞豈如目一見吾君神聖坐九重
輕易獻言誰復辨卻憶吳中初夏時畚鍤去決田湖圍
雞驚上籬犬上屋水至不得攜妻兒無田赴水均一死

善政養民那得爾寄言父老且深耕爲汝馳書報天子

建德道中

風雨回頭已十日野花狼籍春可惜水深泥滑行路難
但見千山好顏色青青稻畦初布秧人家掩扇蠶事忙
駕言有程不可駐鷓鴣一聲歸夢長

桐柏觀三井龍潭下爲瀑布

一水赴壑如奔雷雨山壁立堅誰開山高石限水不去
萬古鬪怒何轟虺盤渦散作鍾與釜往往石上相縈迴
泓渟歲久深莫測人言海眼良可猜不知蛟龍底無用

局促石竇真窮哉未能九土霈一雨尙與千里清炎埃
往時金蚪墜玉簡中使奉詔從天來百年舊事今寂寞
但有雪浪飛崔嵬杜鵑花開蘭正發雙闕萬丈晴雲堆
寒聲徹耳心骨爽凌風一上吹笙臺

玩鞭亭

黃鬚鮮卑勇無策自馳駿馬來窺賊賊奴但怪日繞營
起看飛塵已無跡寶鞭不惜棄道傍坐令老嫗知興亡
百年社稷有天意奸鋒逆焰徒鴟張孤城遺跡森在目
平湖無波春草綠卻對青山憶謝公公老猶嫌人姓木

邊兵已重朝士輕中原有路何由行柙中虎兕不可制
江左夷吾浪得名

魯公堂

魯公之節非一死其誰碑之子曾子魯公之德人未知
其誰堂之張紫微繼公作郡五百載登堂思公宛如在
江南遺墨處處傳魯公去作麻姑仙一杯相與借風月
但見雲碧開池蓮紫微聲名今第一歸上鸞臺應不日
笑談千里無兵戎臨川草木生春風他年道傍兒女說
不思魯公思張公

歸耕堂

退之手板愧丞相淵明束帶羞督郵紛紛雀鼠待一飽
豈若植杖耘西疇劉郎大耳最叵信剛道田園不可求
摩挲髀肉事鞍馬堅臥百尺營高樓安知南陽扶耒手
談笑爲君分九州我來龜溪二三載此策未辦誠淹留
喜君負郭有餘地百金賣劍歸換牛樹頭布穀曉相應
築室坐占林塘幽詩成使我佳興動叩角便作商聲謳
他年釜餽得長滿區區肯顧監河侯

李編修器之惠詩卷

塵埃僕僕日走趨胸中倒懸一字無迫人簿領推不去
眼明忽見千驪珠鬢然驚呼此詩歟如醒乍解病獲蘇
歸來明燈喜無寐手不忍釋自卷舒語新格健意有餘
風骨峭硬中含腴猛如橫陣舞刀槩清若雅宴調笙竽
我窮已極君益迂學此似費千金屠前有太白後長吉
君家詩名宜復初明明天子開石渠歎我短後追長裾
時平合第從臣頌請君早上承明廬

少稷勸飲每作色明遠忽拂袖去戲呈

無多酌我蓋司隸不能滿觴田將軍坐中幸免沐猴舞

且復周旋非貴人人言勸飲無惡意君胡作惡使客起
少陵亦遭田父肘況我忘形友君子從今勿勸亦勿辭
我欲眠時君自歸先生一斗一石醉莫問喧爭與嘲戲

戲韓子師

讀書堂前霜月明讀書堂後霜風聲主人讀書已萬卷
足踏省戶還專城竭來臥掩關不出左擁韋編右瑤瑟
似聞天女亦愛靜便喜蘭房長英物我舍應門繞一兒
趙子尤作仙果遲白頭相看輒浩歎玉樹獨滿君家墀
我歌聲長君且聽不特交遊幸同姓極知玉盞有新醅

每恨金觴乃無柄

事見趙子

從君泥飲不作難景物過清天

復寒犀錢湯餅未免俗琵琶與箏常合彈

戲贈范元卿

憶昔茗溪醉中語屈指淒涼十寒暑紛紜世事去如雲
兩鬢蒼蒼各如許春風學省數曾面抗袂吁嗟走塵土
我慚屢戰不能奇袖手歸來仆旗鼓喜君射策有新功
雙鷗聯翩仍一舉胡爲不上金馬門簿領卑棲猶噲伍
風前未厭鷗鷗傲筆下懸立鳳凰吐聞山千里要佳句
應弔雙龍一懷古元戎好士見此客定肅弓刀按歌舞

素英丹荔雖已過海珍正可羅樽俎鷓鴣勾舟木葉墮
秋晚上寒更風雨請君彊飯趣歸程莫爲梅花思羈旅

次韻沈信臣遊龍焙

武夷仙人厭塵埃金鞭白馬飛崔嵬丹砂已就不可識
尚有瑤草分靈栽千花剪巧綴密露秀色不待春風催
東溪路入三十里山如舞鳳連翩來槍旗未動拱採掇
壘鼓夜作空山雷蒼虬繞圭龍護璧面爲鐵石口瓊瑰
烹煎鬪水出好事珠瓔玉字相縈迴已嗟雙井甘退步
况復日注真難儕我來竊食端爲此把玩一日三徘徊

手斟清泉弔陸子底用濁酒窮歡哈頭風快愈春睡散
老眼尚爲羣書開知君此遊更不惡坐有纖纖時捧杯

杜牧之詩茗盃纖纖捧
信臣載後乘以遊故云

重九日中甫子雲二兄會別龍山

秋風作霜楓葉丹扁舟未發龍山灣山頭窳堵半天出
十年笑我幾往還今年結束值重九愛此山水照高寒
親朋話別情總厚兄弟白首仍蒼顏相留一笑不易得
爭挈美酒羅盤餐登高正爾在高許下視擾擾真塵寰
追思姑孰有故事雅宴亦復同此山雖云小異得佳客

主人鬢蝟懷曾姦滄波至今洗遺恨豈若我輩同清歡
是時郊原新雨足歷歷煙樹明江干放懷自知入境異
極目頓覺天宇寬惜無五絃寄妙手已有征鴈橫雲端
南飛休論九萬里東游更渡五百灘明宵酒醒會相憶
夢繞百級憑飛欄

送朱元晦

前年恨君不肯來今年惜君不肯住朝廷多事四十年
愚智由來各千慮君來正值求言日三策直前負諫疏
詆訶百事推聖學請復國讎施一怒天高聽遠語不酬

袖手翩然尋故步我知君是諫諍才主上聰明得無悞
一紙底用教鷓冠百戰應當啓戎輅江山千里正風雪
歲月崢嶸倏將暮有田可耕屋蓋頭君計未疎吾亦去
君歸爲謝武夷君白馬搖鞭定何處

送許侍郎知宣州

我公名滿東西川一持使節幾十年橋經萬里坂九折
兒童學語知公賢上皇詔下嗟見晚歸來荷橐趨甘泉
平生所學欲盡試新語僅奏囊中篇
公獻所著書兩淮
破碎賴整理百工蠱敝資鑱鑄念公雖老猷自壯何謂

宜去請益堅玉音三諭不可挽一麾且復臨江壩宣城
景物今更妍木爪如瓠栗如拳敬亭山下躡遊屐疊嶂
樓中呼酒船謝公已往詩句在公有妙語真齊肩卻招
李白弔杜牧收攬風月酬雲煙中原未復敵未滅政成
請公須著鞭吾君有意詢黃髮廟堂之謀當萬全

送蘇季真赴湖北憲司屬官

憶昔聞君未相識春雨繫船吳市側逆風白浪不成行
坐聽親朋談歷歷豈意飄零晚相見俱捧江東從事檄
拙鳩未省厭榆枌威鳳誰令安枳棘今年喜君若有遇

去我還爲遠行役一樽忍話故園事童穉吁嗟髮今白
君家聲名塞宇宙翰墨縱橫富奇策未容世職踐明光
聊佐轎車司郡國衡山洞庭忽在眼禹牒黃車有遺跡
詩成不用弔靈均爲訪桃花招隱客

偶得佳酒懷尹少稷聞其連日致齋在臺作長句
寄之

孔君一月二十九日醉太常一年三百五十九日齋人
生百歲駒過隙直與外物勞形骸君非太常何用爾監
祭有令時當差朝廷禮備百神秩不比媚奧猶燔柴念

君幾日得閒暇歸昨饜飫妻奴哇重門咫尺不得見使
我有酒空相懷憶昔過從水南寺風廊雪屋靡不借靈
山懷玉了在眼蒼翠突兀石筍鐵柱如籤排醉來起舞
對山水狂歌亦和襄陽簿一時取樂未云足後會回首
何其乖今者相逢號朝士僕僕聽鼓趨天街欲觀禮樂
問文物但見鞶鼓鳴江淮喜君頭上冠作薦文筆愈健
詩愈佳青雲萬里要直氣幸勿觸狐當觸豺我今勃窣
百僚後自覺迂鈍難爲儕一杯耳熱不共醉夜長獨坐
燒寒碁隔牆降將新授節絲竹間響駢金釵時逢富貴

雖可羨擾擾得失真蠅蝸江山到處有佳趣故應赤舄
輸青鞵明年春風我欲賦歸去佇君功成作頌磨蒼崖
方務德元夕不張燈留飲賞梅務觀索賦古風

昨日風雨今日晴綠水橋南春水生使君元夕罷高宴
亭午邀客花間行危亭直上花幾許水仙夾徑梅縱橫
不須沈水薰畫戟簾幕自有香風清門前紛紛烏鵲亂
隱几坐愛寒江明憶昨淮南戎馬動豈謂景物還新正
遺民歸公十萬口鞶鼓日日嚴刀兵眼看指麾盡摩撫
閭里愁歎成歡聲酬功端合侍玉輦安得坐嘯江干城

南浦甲乙稿 卷二 古 吳舒帷校
景龍燈火公尚記者舊出語兒童驚我來兩月濫賓客
況有別駕能詩名相從一笑說萬事重費美酒勤杯觥
東風搖蕩入煙柳歌管錯雜催離情詔書徵拜那可後
爲公前馬遙相迎

次韻少稷梅花

君不見江城梅花春欲動剪冰仙人作花供客來酒盡
甘啜醕常恨公田無秫種雪晴梅藥更可愛百匝來看
地猶凍杖藜一笑答春風豈必鳴鸞與歌鳳幽香要自
已心清冷艷不禁還目送興來往往得佳句落紙揮毫

字尤縱卻驚車陣有勃敵旋結趙叟盟衡雍孤芳未省
須刻畫百卉應先厭嘲弄我如蟋蟀鳴苦遲君似驂騮
驟難控相如上林晚奏雅靈均喜橘工記諷不妨聊繼
廣平公東閣疎枝與君共

土人池中有新荷戴錢而出者少稷明遠相率賦
詩戲作長句

君不見紫髯將軍射無敵志目中眉猶動色晚年驚見
賣油翁一綫穿錢曾不失人言手熟會當爾世事由來
真一劇紛紛刻楮技已窮厭看人力須天工湘妃撫掌

漢女笑爲我試手馮夷宮芙蓉渠生葉不自展胡爲正在
阿堵中青銅翠羽光相映莫遣游魚動荷柄芳心滿眼
誰得知坐使詩人發嘲詠我言羞澁囊久空井中飛蚨
那得逢不如青鴨爲銜去贖買明月酬清風

觀蓮

廣寒仙子衣作裳夜從宓如欸英皇朝游洛浦暮瀟湘
紅粧翠羽森成行仙姿不作時世妝或凝朝霞豔秋霜
臨流顧影濯滄浪游魚屬玉雙鴛鴦長庚北斗相低昂
笑中如花語如香徘徊醉著清漏長炯然開奩照湖光

湖風吹水洒面涼明珠落佩千鳴璫碧筩宛宛中可觴
爲君行歌酌天漿瑤池玉井遙相望歸舟浮空月茫茫

同尹少稷賦巖桂

江南秋盡猶無菊只有幽香滿巖谷紛紛千樹散黃金
翠葉離披剪寒玉繁枝疑從缺月墮嫩葉不受微風觸
芳枝冷淡誰與妍霧雨陰晴自膏沐不妨松竹共行伍
要使芝蘭盡臣僕小山有句嗟未盡騷經已斷誰能續
每至凋零足惆悵尚喜爐薰駐餘馥爲君掃地斗量歸
猶勝胡椒夸百斛

隆興甲申歲閏月游焦山

案此詩据鎮江府志補入

荒村日晴雪猶積繫纜焦公山下石江翻斷崖石破碎
瘞鶴千年有遺跡瘦藤百級躋上方浮玉南北江中央
檣竿如林出煙浦酒船遠與帆低昂老鷗盤風舞江面
殺氣淮南望中見神龍只合水底眠為洗乾坤起雷電
觀音巖前竹十尋大士不死知此心醉歸更喚殷七七
賸種好花開鶴林

南澗甲乙稿卷二

南澗甲乙稿卷三

宋 韓 元 吉 撰

五言律詩

南劍道中

甲子年作

喚渡春潭側堤灣踏曉晴回舟動山影映日見魚行墅
遠孤烟出江深白鷺明塵勞消底計對此覺身輕
步月

山靜水逾響我行清夜中月華霜著地雲影浪搖空有
酒不惜醉無人誰與同嫦娥搗仙藥應厭廣寒宮

端午日張園分題

輦路逢端午今年始賜休不知人世暑還有水軒秋花
氣晴薰坐湖光晚逼舟明朝又奔走贖作片時留

秋日雜詠六首

客少無塵語官閒省吏文醉眠千嶂日危坐一牕雲酒
戶時通籍詩壇漸策勳平生不龜手郢客渾揮斤
草草重陽節黃花惜未開故人猶有酒行客且銜盃日
落蛩聲苦雲低雁影來南山足佳氣獨立意徘徊
醉著山堂夢初涼枕簟清秋聲迷夜雨月色誤天明爲

客心長慣思親意未平歲華容易晚寂寞壯心驚
古郡青山合乘高眼倍寬風驚梧葉陣雨暗菊花團涼
色宜欹枕秋光怯凭欄向來疎懶意景物暫相歡
怪底四風別秋香一夜繁攢金差可擬揉蠟巧能搏買
地宜多種移牀且細看江南籬菊晚賴爾慰愁端
絕壁跨城樓連天海氣浮長空去鳥盡落日斷雲留鼓
角深秋壯山河薄暮愁勞生知底所倚杖寄滄洲

聽雨

昨夜燈花暗今晨雨意深殘花惟有葉新筍已成林未

南浦日之稱
卷三
二 吳舒帷枝
辦扶頭飲聊爲擁鼻吟興闌幽夢斷簷際足清音

豐樂樓

今歲西湖上經行始此迴輕烟認花柳細雨識樓臺春
半已多日官閒能自來情知欠樽酒倚杖且徘徊

清明

老去驚時節春來念物華青烟百六日同社兩三家醉
著凌風舸歌成滿路花滄江萬里意獨立送殘霞

閒居遣興

著雨柔桑碧次風小麥齊江深涵日野淨闊並雲低車

馬能相問琴書故可攜村村花自好不奈子規啼

道中遇停郊祀詔書

丹詔西來急沿淮次第知應嗟饗帝日卻作視師期士
苦三年戍人懷四郡悲平戎可無策帷幄定誰咨

建業書事

千載西州路何人不此行山橫桃葉渡江動石頭城天
闕雲端聳秦淮雨後清敢論風景異舉目笑平生

過芙蓉對鏡嶺

世事日千變勞生憂患多誰知度炎熱正爾陟嵯峨峰

南浦日之利 卷三 三 吳舒帷校
蠹蓮初綻崖枯鏡未磨江東茲絕險歎我兩經過

慈雲嶺

極目慈雲路看山立少時湖光經雨闊柳色泥煙垂琢
石觀蹲獸鑄崖讀斷碑西關知底險撫掌笑兒嬉

山行

意適都忘遠行歌未覺勞崎嶇一徑入上下數峰高嫩

白憐新菊輕紅訝小桃

得桃花
數枝

歸來情興動風葉亂蕭

騷

秋盡暑猶劇今朝涼意新輕陰能障日小雨不生塵度

壑時投策看雲一岸巾鄰僧問何往茗果愧情親

登玉京洞遇雨

俗物祇散意市朝那復情未能蓬島去且上玉京行古
洞深無底幽泉細有聲山靈知我意賸乞片時晴

雨中同鄒德飯白雲菴

小雨不成雪凍雲猶沒山若無官事縛聊傍野僧閒濁
酒間何闊清遊阻且艱相看成冷淡得句不空還
懶惰已成癖幽尋湖上臺應知千里近動作半年來一
徑草仍碧兩山梅未開猶憐衝雨濕路入亂雲堆

龍華寺傳大士真身像

古寺郊丘側鐘魚曉未喧雙林有遺骨瑞夢記名園粒石嗟餘飯神槌想叩門蠶桑猶有謁鼓舞動山村

青陽龍池山潮泉其應有時禱于泉上坐頃三應
山中人以爲未有也

八月錢塘岸江湖晝殷雷豈知驚浪涌不轉此峯來古竇深無際神淵秘莫開山靈如愛我三送雪成堆

寄題尹少稷借竹軒

借屋復借竹主人貧可知清風時引酒長日最須碁牆

缺秋聲過庭空月影隨遙憐對高節幽獨更題詩

龔敦頤芥隱詩

萬古須彌頂嘗于芥子看憐君作書窟喚容築詩壇默識眼界淨忘憂心地寬老來同此味廣廈任高寒

僧仲儼芥室

設席纔方丈誰將芥子看須彌藏自穩琥珀拾應難腳底芒鞋破廬邊衲被寒遙知八萬座一笑且團欒

易安齋

紫陌猶千里禪房自一家翠深穿小徑紅濕動迷花絡

南唐甲乙稿 卷三 五 吳舒帷校
石寒梢亂欹巖碧幹斜春江夜來雨如爲洗烟霞

過松江寄務觀五首

四海習鑿齒雲間陸士龍酒狂須一石文好自三冬風
水客愁遠烟花春事濃還將枕流耳來聽景陽鐘
風浪白如屋垂虹烟靄間清心太湖水滿眼洞庭山放
鶴迎人舞飛鷗伴我閒是中有佳句詩思未容慳
一別未十日舉頭楊柳黃蜂來知酒美梅度覺船香岸
幘春容好翻書晝景長無人共談麈自酌引壺觴
湖岸見亭館誰家長鎖門主人寧好事淶水但名園借

我安茅屋容君共酒樽風波正奔走獨立望江村
並舍盡垂柳出簷多好花獨尋江岸路靜愛野人家水
暖分魚子沙晴蹙荻芽放歌吾亦醉漁戶卽生涯

寄趙德莊二首

報陟西樞椽遙憐勢未行羣親嘗有請去國豈無名松
菊關心在江山到眼青琵琶洲畔宅歸計幾時成
早辱交情厚年來事帆同自知榮宦拙甘爲好詩窮臯
鴈且依水馬牛還信風故應懷李白但欲老江東

送子雲五首

四海雙兄弟南來幾別離未成春草夢先動白雲思涕
淚三年隔風塵數月期生涯奔走裏卜築定何時
薄宦何堪遠兄今奉板輿貓頭供美筍玉板薦嘉魚川
陸徐行李暄寒愼起居會因回鴈足時一問何如
楚國富山水衡湘千里餘人皆思太傅我獨念三閭貧
賤真勞矣功名果命歟官閒道林寺洗眼臥看書
別意能淒楚驪駒且緩聽百年三過一萬事醉還醒策
馬身猶健看山眼倍青東風有底憾吹柳暗長亭
水闊湖南道春深可當遊鳥聲喧綠樹花影趁行舟短

袖那容舞良疇不易謀有親垂白髮斂板未應羞

送漳赴分寧尉

挾筴度春水絮飛花易闌吾衰聊玩世子壯且勤官雨
後半篙綠風生孤棹寒慙勲酌雙井爲試茗芽看

送溫伯玉二首

楚尾還重九荒園菊半花因君向姑孰使我墜烏紗更
度千秋嶺休尋萬里沙壯年豪氣在途路莫興嗟
牛渚青山路衰遲舊往來西風動黃葉朔雪記寒梅戍
鼓邊城近樓船猛士催然犀不用照拔劍憶澹臺

送張仲良二首

客裏親朋別詩成倍黯然春風動花柳歸路繞雲煙共
絕過門盜予與仲良俱六女子俱無使鬼錢生涯知底許消息幸

頻傳

氣概青雲上聲華碧海邊交遊俱得譽伯仲總能賢幕
府寧淹薄諸公肯薦延功名第遲速強飯且加鞭

送梁士衡歸餘杭

一水分他縣音書近可傳飄零俱北客憔悴各中年破
屋春風裏扁舟夜雪前故人逢短簿秀實作簿爲話意茫然

古寺荒山曲相過日自宜插花狂墮幘折屐醉爭碁世
事關情懶風光逐意移歲寒冰斷港君去復何之

送諒弟丞邵陽

春水生南澗吾衰久索居三年還作別數字且頻書文
史差無負田園慨未餘常存愛民意門戶有權輿

送中甫兄之淮南

憶昔湖陰道邊聲日夜聞遠峰明積雪疊鼓墮層雲未
歎河山異常憂玉石焚三年真一夢相見且論文
老惜親朋別貧知客寓愁青燈耿遙夜濁酒對窮秋寒

日催征騎新霜倚縣樓因君問泚水莫渡北來舟

浣赴貴池簿

四十纔生子今年亦効官國恩期共報世路覺尤難簿
領猶應暇詩書且細觀傳家門戶立即此慰衰殘

次韻子雲春日見懷二首

每惜春光去生憎鶉鳩鳴倦遊心易賞多病戍仍更風
雨山花過池塘野水生買牛歸問舍此計會應成
山寺鶯花裏懸知載酒行青春隨夢斷白髮伴愁生爛
醉真吾事忘機豈世情書來得佳句雙眼暫增明

次韻張晉彥書事

頽利何時縛康居久未灰天威如自震敵勢不難摧日
月丹心在風塵白眼開受降城旋築且緩羽書來
次韻任信儒見過

鬪雀嗟窮巷鳴騶枉故人塵埃生破甑風雨墊烏巾別
久情逾厚詩來語更新囊空得珠玉此段不全貧

次韻趙任卿至北苑二首

行樂須春事微官日自忙輕雲弄天色細雨出風光筠
甲連山破林髯夾道蒼擬尋花鳥去更待茗芽香

好雨驚連夜疎鐘喜報晨池心春漲綠花面曉粧勻野
渡經年別官茶幾焙新風光為傳語何事曲江濱

次韻魯如暉雪晴

臘近千門雪風高一夜晴醉餘和被擁夢破覺牕明
鼙鼓三年戍關河萬里情應憐鐵甲冷烽火未須驚

次韻金元鼎新年七十

七十古稀有君今還倦游危機直虎口薄利祇蠅頭
黃髮宜登用清時忍退休遙知江上宅聊近水邊鷗
論文傾滿座嗜酒見天真舊慳李君馭今懷王翰鄰歡

情知老大詩話倍清新莫作懸車念滔滔且問津

葉少保挽詞六首

輿學餘家法宏材邁古風剽煩樽俎上禦侮笑談中
勲業中興殿規模大駕宮

公造建業行宮考周漢制度甚備

哀聞父老泣

遺愛六州同

望實諸公右文章百代師匡時存詔令謀國見丞疑
易識悲麟意難追吐鳳辭

公傳春秋而易未畢

門生滿天下誰繼蔡

邕碑

伯喈作橋公碑

宦達平生早高年及引歸安車榮絳節黃髮遽衰衣未

致生芻莫俄驚薤露晞孝心天地惻相望兩靈幃

精舍湖山外天開萬石林五車娛晚歲一壑遂初心激

水穿巖竇栽花繞澗陰佳名端不朽揮淚記登臨

翰墨通家舊吁嗟大父時追隨千里駕酬唱百篇詩小

器慚非遠孤童誤見奇慙慙授簡意敢負昔年期公在閩中

作萬象亭某為之賦

憶罷儀曹試登門語更親故懷如昨日一醉賞餘春佳

句猶霑墨遺編竟掩塵公欲序高烟雲變朝暮感慨獨

傷神

故資政殿大學士樞密洪公挽詞二首

世學推東楚文名冠異科弟兄聯玉筍父子擅金坡籌

幄淵謀在陪京惠愛多無因奠雞酒清淚灑江波

甲第湖山美人知小隱名天方開樂土地忽起佳城祕

殿疏殊渥珍臺錫異榮勲勞纔右府曾未陟魁衡

故贈太師丞相文恭陳公挽詞三首

拱揖消狂寇從容奉兩宮臨危幾謝傳忍事實婁公陶

冶無偏黨經綸盡樸忠再來金鼎地高臥亦成功

扶疾祇嚴詔邦基整屢危紫宸朝奏事黃閣暮興悲德

望儀千載恩榮冠一時石龜山下路誰為記興碑

凜凜循良吏休休一个臣投艱推字量禦侮賴精神給

侍恩雖渥懷歸志莫伸平泉開甲第花木未經春

故太師和毛挽詩三首

宿衛登環尹榮恩四十春威名傳瀚海功烈上麒麟卻

敵凝山岳臨機妙鬼神中興奉朝請勞舊總無人

淮右偏師出江津督府開橐臯賊陣蹙瓜步敵鋒摧寶

劍疇能舉神旗悵莫回悲風苕水路千載有餘哀

甲第神京冠王封異姓優風雲開傑閣水月轉芳洲種

玉階庭盛揮金族緒周諸郎自持橐袞袞尚公侯

致政龍圖給事吳公挽詞二首

風采儀三院循良著六州譽高青瑣闥名動紫雲樓經

世餘閎議興邦闕遠猷君王問黃髮柱石可能留

勇退湖山地心期白傅論仙風占蒼嶺樂土並桃源壯

節傳交舊儒科付子孫脩齡纔八十殄瘁只聲吞

致政龍圖給事徐公挽詞二首

磊落南州士家聲二百年失身幾利吻得路已華顛青

瑣元虛位黃扉久佇賢上欲大用公而不起九原寧可作東望益

潛然

今代詢黃髮臨雍缺盛儀久從曾釜樂俄重鯉庭悲德
履嗟如在功名誤見期平生拄頤劔聊掛墓門枝

葉夢錫丞相挽詞二首

製邑騰嘉譽升平遂一州雍容持從橐慷慨動宸旒相
業看調鼎兵機久運籌勲庸元未究湖海淚空流
味道蘇仙井言歸鬢尚青僅周新甲子還仰舊儀刑祕
殿欣疏寵華鐘待勒銘追隨樽酒地愁絕最高亭

挽任諫議詞二首

身致高門重心無閤室欺賊孫宜有後伯道乃無兒公無

子以族
子後

千載君如此流年疾若斯寧無百人贖遂作九

原悲

凜凜誦臣節恂恂循吏名世嗟陽諫議人憶謝宣城優
詔纔三接嘉言未一行清霜數行淚豈爲故人傾

故端明尚書汪公挽詞二首

未冠登華選高文動漢廷持身嚴桀席慮世炳丹青庶
府咨沿革諸儒見典型空嗟廊廟略不上鼎彝銘
獻納高門地君王識履聲聞山歌惠政蜀道憺威名逝

矣嗟天命誰歟總國成弟兄無六十殄瘁亦堪驚

致政許侍郎挽詞二首

海內循良政高名實吏師銅符嘗五換玉節更三持慷慨平戎策雍容聖德詩公嘗獻十二說及詩百韻太上歎賞甘泉僅持橐

功不負明時

蜀道煩司馬宣城屈謝公風行萬里外身老十年中厚德今疇繼深知昔誤蒙佳城閱千載雞酒恨何窮

故宮使待制侍郎陳公挽詞二首

政譽京江口威名峴首山折衝章貢外制勝漢淮間零

落金閨彥淒涼玉笋班文章與功業未老竟長閒

結綬同郎省幽居願卜鄰櫻寧良自適坎壈遂無伸壯

志嗟猶在交情晚更親秋風敬亭路西望一露巾

故宮使參政觀文錢公挽詞二首

忠孝全家法清修極道腴雍容調庶政談笑靖邊隅許國心猶壯安時貌不枯脩齡纔七十誰為隔黃墟

甲第依香火棲心不離禪頤神雖綠野紀績自凌烟榮

觀丹丘外真遊弱水邊佳城近劉阮覺路有飛仙

故致政參政大資張公挽詞三首

海內推耆德朝端藹直聲金輝餘烈火玉價自連城正
色消羣枉高風聳後生君王問黃髮猶僅陟台衡
益部煩分陝金陵起御戎逢時身已病憂國志彌忠廊
廟訐謨外丘園夢寐中彈冠與歸老盛節有初終
憶荷公車薦多慚識面求驚心異生死倒指十春秋國
士懷青眼門生慨白頭束芻催老淚東與大江流

挽曾伯充大夫詞二首

作吏餘家法臨民有古風政推平易外人在典型中道
擬莊生合公留意黃老年幾衛武同清時記者舊揮淚楚江

東

宦達雖無意安榮自一門剖符看令子曳綬及諸孫盛
德清難繼高風俗爲敦葬車駢百兩歸臥九華根

方務德侍郎挽詞二首

壯歲分符節飛騰四十春吁嗟循吏傳無復老成人三
輔勤勞舊西清寵數新青山問何許猶與謝公鄰
上聖詢黃髮清時慨莫留居中二千石典外十三州禁
闈多閱議籌幃裕遠猷交親半天下注海淚空流

周元特詹事挽詞二首

道學尊閭里衣冠見偉人鷄羣真野鶴麕角自祥麟
論追前輩清時識諍臣他年激貪懦風動雪溪濱
黃髮趨嚴詔青宮啓太微園公方入侍疏傳已言歸
奏續三千在流年七十稀無從奠鷄酒老疾只沾衣

挽徐敦濟郎中詞二首

南渡推人物夔常有世家州麾三上最使節五分華
通籍恩初渥登車病已加甘泉垂入侍華屋漫興嗟
強學三冬足高談四座傾書成唐北海文似漢西京
籌幄嘗裨畫星曹僅掛名生芻纔一束聊寄淚縱橫

挽傅安道郎中詞二首

節槩存先烈文才藹儁聲弟兄聯廡仕父子擅英名
密勿棲郎省光華擁使旌甘泉虛從橐曾未席恩榮
蚤負凌雲氣長懷流水音詞場俱白首世路只丹心
妙語空成誦懽盟詎可尋泉山幾千里涕淚俱霑襟

范泉州挽詞二首

淡墨標名早飛騰僅石渠學傳外家蘊論合古人餘議
本楓宸疏評和相第書忠言與危行青史未應虛
玉節江南道銅符海上州登車人自化截鐙士爭留不

作田園計長懷世事憂秋風閉黃壤誰為子孫謀

挽張元幹國錄詞二首

左學馳聲舊中朝得錄初宏材知底用壯志亦成虛歸
旄三千遠親年八十餘蒼天誰與問行路亦歛歔
一第固已晚九遷人共期功名雖有命壽考獨無時門
士韜瑋璧諸郎襲禮詩他年振儒學猶慰九原悲

尹少稷挽詞二首

蚤擅奇童譽中蜚處士聲談鋒粲開闔筆力妙縱橫主
聖由言悟官清以諫名故交零落盡老淚與河傾

今代賢良策中興未一陳文章如漢士家世亦齊人遇
合嗟云晚忠嘉慨莫伸朔風吹墓草毀譽付千春

毛平仲挽詞二首

奧學窮千古奇文擅兩都功名一盃酒身世五車書未
奏揚雄賦長懷仲舉輿溪塘巖下水豈羨石為渠
蚤歲聞嘉譽論交鬢已絲長言雖面隔千里但心期故
壘生芻莫塵編幼婦辭倚天長劍在欲掛漫興悲

宋傳道挽詞二首

德履無遺恨絃歌有去思養親三釜樂作郡十年遲壯

志沈黃壤英遊閉赤墀豐碑頌遺愛誰為繼羅池

留落東州彥相期幸卜鄰筒詩餘唱永樽酒記情親舊

國歸無日諸鄉見有人佳城千載恨雪涕楚江濱

故秦國太夫人鄧氏挽詞

朱藏一丞
相內子

諸父聯丞弼元夫總化鈞光華人莫並恭儉古無倫沐

國三茅土儀家五鳳麟塗車闔里慟矧此故園親

信國太夫人慕容氏挽詞

蔣丞
相母

望族尚書舊宜家藹縉紳無人知善教有子冠鴻鈞箕

箒惟安禮詩書不待鄰鴟堂萬鍾養風木倍悲辛

南澗甲乙稿卷三

南澗日乙稿

卷三

六

南北驅馳老病身不堪節物更催人梅梢白白猶藏臘
蔬甲青青便作春鐵馬漸欣邊塞靜土牛還祝歲時新
聖朝文物從茲始元日郊丘得上辛

喜雪

苦寒無那歲崢嶸一夜陰風雪滿城莫問牛羊迂使節
卻思鵝鴨溷軍聲庭空臆喜羅琪樹履敝猶堪步玉京
更碾新芽試湯火從來冷淡是書生

元夕再用韻

瑤山直上玉梯橫不用銀花散火城著柳共看飛絮動

打聽渾作亂蚊聲路尋鸞鶴天疑近石甕鯨鯢觀易京
便擬乘風跨滄海更須新月趁潮生

春日

霏霏小雨映煙光睡起文書正滿牀芍藥倚堦纔弄色
醱醱堆架漸吹香林端好鳥猶相應葉底殘花欲自藏
便覺春風如我老須君駐世有奇方

春日山中

杜陵愛飲覓南鄰我亦顛狂不奈貧漸有好花宜過雨
應須美酒細酬春十年鄉國無窮思千里江湖未老身

莫向空中厭愁寂杏梢桃葉一番新

雨後睡起有懷

菊枝萱草亂庭隅旋卷疎簾臥看書枕簟涼生秋雨後
軒牕睡足晚風初官閒自愛門無轍計拙猶慚食有魚
莫遣功名心易老只應湖海氣難除

夜坐聞牕下水聲

書史懸知伴此生敢求身外百年名青燈又暗吹牕雨
流水長聞入夜聲玩世久忘榮辱累定交諳盡死生情
翛然隱几焚香坐不獨心清境亦清

曉霽再用前韻二首

牕外幽花無數生亂紅相映不知名長條自轉風前影
別壑還添雨後聲閉戶苦無佳客語披書聊慰古人情
詩成步逐山腰月相對茅簷夜色清

新筍成行嫩菊生故人爲作小軒名十年敢有旌麾意
兩部空遺鼓吹聲世事如塵紛過眼風光和酒最關情
曲肱不作南柯夢槐影陰陰枕簟清

七夕亞之置酒再用前韻

案此詩題云用前韻檢七律中無之蓋已佚矣

烏鵲無聲夜向闌空庭插竹巧誰看長生殿裏金釵暖

百子池邊五縷寒
夢破清風吹雨脚
醉餘新月上林端
閒來不辨論時節
賸喜秋花共夕餐

九日獨酌

茱萸滿把半青紅
強擬登臨少客同
碧樹池塘秋色裏
黃花時節雨聲中
官閒覓句能消日
酒薄看山尚怯風
高李故人今健否
一樽懷古意無窮

病中放言五首

松牕永日度涼颼
坐覺清陰寸寸移
境靜故應閒可樂
形臞猶有病相隨
塵埃末路思千里
風露何年飽一枝

百歲窮通吾自了
閉門長詠子桑詩

長夏空齋冷欲冰
幾愁無米溷鄰僧
途窮誰爲一舉手
計拙自宜三折肱
風靜鳶飛猶跼跼
日斜蚊聚已萋萋
此身示疾非吾病
臥看南山翠作層

歲月催人易白頭
只應蝴蝶夢爲周
躄躄久悟人間世
汗漫已期方外遊
化鶴自知迷故國
斷鼈今見立神州
蓬萊水淺君須記
蓮葉翩翩僅可舟

寓意平生止墨卿
轉喉無奈觸錢神
敢將名利期當世
直欲文章似古人
積雨尚添門外轍
顛風不掃甌間塵

倦游儻有凌雲賦肯爲黃金巧致身

少日功名謂立成壯年漂蕩已心驚正平只合依文舉

元亮何妨慕孔明墓上征西真底用生前杯酒未宜輕

田園待足何時足歸赴空山猿鶴盟

有童子市龜七以百金得而放之

百金爲換七玄衣自啓筠籠俯釣磯白水真人聊並聘

清江使者遂同歸負圖可但逢時出曳尾寧須與世違

好去滄波莫回首餘不亭下柳依依

記建安大水

孤城雨腳暮雲平不覺魚龍自滿庭托命已甘同木偶

置身端亦似羸餅浮家卻羨鴟夷子弄月常憂太白星

當日乘槎便仙去故人應罪曲江靈紹興甲子歲子蜀

蕩覆騎危僅脫因此作詩自唁乾道癸巳將命過高郵

遇杜受言猶子鏗錄以見示讀之慨然蓋忘之矣受言

時爲提舉茶事募人拯予者也鏗實見之俯仰三

十年矣死生契闊不勝慨歎聞月二十七日書

與蘇訓直約遊招隱寺

十日春晴未放梅籃輿端爲看山來路尋絕壑空流水

寺倚蒼巖只廢臺處士尚餘三畝宅野僧合買萬松栽

南閩甲乙稿

卷四

五

百濟日乙和
五
吳舒帷校
鼙鼓初歸塞上師京江酒美勝年時春來逆旅真無事
身到名山合有詩石底於菟窮作穴泉間科斗開成池
荒寒景色君休問後日應懷此客隨

雨中同伯恭至湖上

莫嫌鞭馬踏春泥茶鼎詩囊偶共攜山色雨深看更好
湖光烟接望還迷連天花絮飛將盡夾道蒲荷長欲齊
官事得閒須洗眼蓬壺只在帝城西

清明日雨中同甫子雲二兄集湖上

莫辭沖雨濕春衣要看湖山滴翠微絮重欲飛堤柳暗

花寒無賴海棠稀官忙未覺追遊少醞美猶堪盡醉歸
屈指薰風來幾日綠荷簪水已依依

清明後一日同諸友湖上值雨

出遊初不計陰晴聊喜湖山信馬行弱柳自隨烟際綠
幽花還傍雨邊明嫩蒲碧水人家好密竹疎松野寺清
爛醉一春纔幾日可無佳景付詩情

元夔以詩留別用韻示之

密竹疎松一水邊高春自占曲肱眠心如古井真無浪
跡似寒灰豈復然舌在未應甘寂寞地偏猶可小回旋

南浦月心稿 卷四 吳舒帷校
春風又綠池塘草清夢從今只惠連

淵明遶屋樹扶疎大似蓬蒿仲蔚居老矣強營三徑菊
閒來未厭五車書詩成歎我同招隱賦就須君敵子虛
努力青雲家世事他年簪筆待嚴徐

清明前一日與客自光孝登般若菴觀鐵塔舊基

因至鐵獅頂

青鞵藜杖破層雲勝日猶能界眼新窳堵已摧豪士手
狡狴猶現法王身寺藏松竹疑無地路接烟霄不到塵
車馬憧憧城市客舉頭相望幾由旬

先是山半舊有鐵塔舉子以爲不利

秋試衆手碎之絕頂有鐵獅子相傳郡南山爲羣狼形故以鐵獅子厭勝之也

夜宿斜溪聞杜鵑

船牕初日弄暉暉起坐胡牀自攬衣無數青山隨岸改
幾聲幽鳥喚人歸鷗盟好在重遊戲蝶夢驚回果是非
便擬走書聞稚子歸來同買釣魚磯

過武夷

不到仙山二十年道人雙鬢亦皤然卻看翠嶺千尋石
又汎清溪九曲船目極已高聊自喜身輕欲上可無緣
只應猿鶴遙相認笑我歸耕未有田

雨中望靈山呈明遠

騎曹公事日紛紛，荀令香爐欲罷薰。
冷雨定知還作雪，好山無奈只藏雲。
看花便覺名何用，勸酒誰能耳不聞。
歲晚官倉塵滿眼，只應清坐獨輸君。

陪曾吉甫遊中山

去天尺五城南寺，目極層軒得此遊。
山闊雨收雲點綴，江清日淡柳風流。
僧扉繚繞牛鳴地，樓閣參差斗大州。
公自蓬萊舊仙伯，一麾真復占鰲頭。

勸耕至赤松山

謬誤君恩再領州，名山猶幸復春遊。
苦無羽客追元放，尚有羣兒識細侯。
麥穗雨晴迷野岸，桃花風急滿溪流。
隔林布穀如相應，更酌丹泉爲少留。

自天封登華頂，將自桐柏以歸土。
人謂之望海尖，連天松影轉崔嵬。
夾道桃花迤邐開，便覺胸中有東海。
不知腳底是三台，閒雲自作千峰雨。
流水真成萬壑雷，喚起吹笙王子晉。
夜深乘月上瓊臺。

望卞山懷石林翁

卞山茗水共蒼蒼，中有先生萬石堂。
早歲英名類終賈，

百濟甲乙類 卷四 吳舒帷校
暮年眉壽到劉楊人琴遂欲成千載雞酒猶能酹一觴
身後遺編尚塵積豐碑誰復付中郎

遊鹿田寺

路轉崔嵬第一峰兩仙迎我度空濛不知屣躡青霄上
但覺身行紺霧中隴麥正隨高下綠山花猶作淺深紅
極知靈運真任守蠟屐穿林興未窮

同葉夢錫趙德莊遊牛首山

不辭扶病觸春寒及此新晴一日閒雲外經年見雙闕
馬頭乘興數前山清泉細酌巉巖上佛窟同探紫翠間

我亦無心話禪悅銜花百鳥自飛還

寶林院次韓廷玉韻

山繞孤城水拍空惜無殘月照疎桐江干雲斷夜來雨
木末涼生秋到風六代興亡知寺古老禪神異載碑豐
詩成極目蒼茫裏惜別情懷醉夢中

會稽道中有感

稠紅亂紫正芳菲寒食青門客自歸江上酒醒聞燕語
日斜睡足看花飛功名老去真何在丘壑平生豈願違
尚喜繫船探禹穴稽山雲淡雨霏霏

九華道中

行人腳底不生塵絕壁仙凡路已分一水奔騰崖覆雪
九峯羅立岫填雲謫仙才大三千首國老謀深十萬軍
莫對青山歎華髮丹砂未就又論文

至日建德道中

聖皇初款帝中壇羽檄交馳玉仗寒佳節又看當警急
勞生底用較悲懽腐儒憂國成千慮強敵窺人詎一端
夢想淮南風雪裏可無消息報平安

葉丞相最高亭

丞相園林景物繁花亭那更得躋攀平看溪上千尋木
不數城南萬疊山歌舞恍如銀漢外笑談常在碧雲間
醉酣欲問劉公客百尺樓中亦汗顏

賞心亭

亭後世傳
張麗華墓

北風吹雨冷如秋更上江千百尺樓瓊樹佳人閉黃壤
石城華屋變滄洲三峯已覺蓬萊近二水真成汗漫遊
六代風光幾人物不妨擁鼻向南州

重建極目亭

曲闌十里畫屏開氣壓凌歊百仞臺不盡溪光空外見

無窮山色望中來旋規北檻栽新竹更闢東牕對野梅
老子興來真不淺清秋忍負十分杯

次韻張子儀倉司展翠亭

官事常忙心自閒故應挂笏爲西山舉頭但覺來風月
著足何妨涉闡闡振廩功成聊共醉追鋒詔下合俱還
陳天與爲守和篇有叩關把
錢之句二公皆卽召用矣須知蒼翠看無盡輸我巖

居畫掩關

晚登凌風亭戲作

咄咄真成了事癡功名何在鬢霜垂清談安得如夷甫

佳句無勞發愷之山色倚江秋更好煙光連市晚偏宜

田園底許歸能決且擷黃花付酒卮

王夷甫清談終日
縣務亦理口未嘗

言錢顧愷之見張融海賦云但恨不道鹽耳
因增熬波之句二事皆所困者因以自嘲

再至凌風亭

目盡西山落照邊危亭風景故依然重來身忝二千石
老去心驚十九年種柳已高丹檻外栽花猶占綠牕前
不堪素髮紛垂領還愧青春令尹賢

題長春亭

一徑清深不起塵芳菲紅紫意隨人應知地勝無非景

但有花開卽是春萱草自隨蘭葉茂棠花還與桂枝新
絲衣兄弟人生樂莫惜支筇步武頻

題蒼筤亭

手種蒼筤數百竿築亭相與枕書看故知落落非春事
直有青青共歲寒一壑自欣幽意足三年獨得此君歡
蕭然風露千尋影搔首哦詩獨凭欄

采箬亭

山繚重城水拍堤雨晴秋浦靜相宜新篁弄日千竿玉
紋簟披風八尺漪坐對芳洲端自樂興來小艇亦頻移

他年穩侍蓬萊殿聊記高亭一笑時

書寒亭

月裏瓊宮不禁寒誰令白晝墮人間陰風淅淅來深谷
晴雪霏霏濺兩山靜愛飛流聊洗耳坐看絕磴可怡顏
紅塵熱客那知此赤腳青松意自閒

凌歊臺

山到西江勢卻回倚山樓殿更高臺天容水色望中見
帆影車塵空際來桑柘基分千里迴波濤壁立兩峯開
登臨擬問興亡事白塔亭亭鎖翠苔

蓬瀛臺

雨餘天宇澹澄瀛及此秋郊一日晴軒蓋翩翩度林影
笙簫隱隱雜溪聲風隨廣席歌呼轉雲滿高臺步武生
記取今年作重九丹崖絕壑是神清

錢伯同新創明暉閣

使君談笑兩橋成人向晴虹鏡裏行更闢軒牕待遊覽
要看山水倍澄明波寬十頃知魚樂歲熟千家響碓聲
收拾風光付華月一樽還記昔文清閣名用曾文清詩語

題金元鼎至樂堂

百歲休論七十稀羨君林壤得熙怡賦歸已久同元亮
至樂真能慕啓期一壑過人聊自足萬鍾于我亦何思
故應不羨紆朱貴元鼎辭帶索行歌世未知卒得祠

題十二兄野堂

少年行樂記鄉關月渚霞洲一夢間為愛軒牕臨野水
只疑風景是家山荷香柳影情偏厚竹色松聲意自閒
堪笑主翁持節手卻來垂釣傍蒼灣明月渚落霞洲許昌湖也

韓子師讀書堂置酒見留

醪醑插架未成陰水滿方塘數尺深入戶幽花真有意

南浦月之稱 卷四 三 吳舒帷校
拂簷高竹更關心鳴禽喚客知閒景舞鶴迎人作好音
莫道相逢欠歌管一觴酒盡讀書林

山橋

倚杖溪橋暮雨垂春寒空翠著人衣凌空怪石如旗豎
噴壑清泉作練飛乘興正須隨地飲醉狂聊共插花歸
從教拍手兒童笑要是山深客到稀

范良臣見過云有食粥之憂以斛米助之因得長

句

挾飢豈復衛文子闕食尚憐顏魯公定知啜粥可餬口

未至腹疾號山芎東方千牘羨飽死顏氏一瓢嗟屢空

我家無錢但斛粟與子共坐詩能窮

世傳兩貧士為鄰其一有餽之斗粟

者抖擻篋中僅得數錢以勞其持餽至夜鄰士叩門假一二錢市油誦書則嘆謝曰盡之矣既而愧甚曰尚有斛斗可分子也故用為戲

伏日諸君小集沈明遠以小疾不預作詩戲之

廣文官冷酒錢空平日清樽一笑同苦憶車公來座上
翻成王老隱牆東定中示病應非病詩裏能窮有底窮
涼月滿天新雨足試憑檄語愈頭風

聞吳端朝作真率集

他年曾作社中人
骯髒歸來白髮新
闊別常思共杯酌
舊交那得更比鄰
黃雞白酒可勞勸
青笋烏棹未絕貧
恨不從君語終夕
空齋愁坐獨傷神

令防得女招飲以病不往走筆戲之

平生諸女重吾貧
故意君家亦效顰
醜惡未妨攘盜賊
長成難議卜比鄰

予與令防昆仲
鄰居比皆得女

遙憐四十稱郎罷
豈

惜千金辦主人美酒
尚須留待我明年
應見玉麒麟

次韻陳子象謝新火詩

曲水流觴迹易陳
水邊那復御廚珍
茶煙永日看輕颺

槐火今年又一新
鄰舍未應煩束縕
官庖猶幸有輿薪
須公更試長擎夜
賸照歌臺拂鏡塵

李彭元攜會吉甫詩卷數帖見過

十年松竹暗茶山
君有詩聲舊將壇
食薺誰如東野苦
無甍不奈廣文寒
閉門久詠高軒過
彈鋏今嗟行路難
我亦凋零舊賓客
遺編聊共拂塵看

李子永惠道中詩卷

踏雪衝寒徧幾州
豈妨乘興作清遊
風橫白鷺歌瓊對
月滿青山問釣舟
夢繞征途渾歷歷
老諳世事總悠悠

塵埃鞅掌君休恨自有詩經萬戶侯

熊子復惠十詩作長句謝之

白首相期翰墨中衰齡況是甲庚同久懷妙論傳犀塵
尚喜清詩附驛筒洲長五株知訟少麥呈兩穗報年豐
去天一握歸來近密令疇庸可拜公

姜特立寄近詩

雙溪巖曲蘆江岸每見君詩句益奇漸喜青雲今得路
豈妨白雪尚摛詞斷蛟入海功何壯披腹排雲世共知
斫卻月中丹桂手朝陽應占鳳凰枝

姜五中鄉薦
今爲春坊

周航定國攜諸公所贈詩求次韻

拾青紫本一經明得失由來信可驚美玉固應人未識
千鈞何自俗能輕馬曹寂寞心空在驥子昂藏骨更清

航有子
預薦

穩步煙霄遲速耳筆端夢覺已花生

季元衡寄示三池戲藁

文彩風流冠一時三池聊作鳳凰池新詩到處傳桐葉
麗唱他年滿竹枝歸夢故應懷古括清談還喜對峨眉
玉堂待草山東詔解纜春江莫放遲

曾丰惠文編

簿領裝懷筆擁塵經年舌強不論文蹙然步武心還喜
籍甚聲華耳舊聞曲水賦詩須鮑謝甘泉第頌憶淵雲
相期穩上芸香閣要策清時翰墨勲

徐應祺惠文編

渴雨空齋晝不眠疎簾竹簟意翛然借君妙語清袪暑
起我衰悰似壯年得意每看雄霓句逢時會奏白雲篇
漢庭久重春秋學凌厲煙霄更著鞭

寄懷子雲兄

長年游宦已堪嗟寓舍無田豈是家母子分飛還歲換

弟兄相望各天涯塵埃閱世丹心在朱墨縈人兩鬢華
聞道過庭新哭鯉開書室有淚橫斜

赴信幕寄子雲叔喚及同寺

田園未辦各身謀兄弟今成迭去留游宦三年方啓足
寄書千字又從頭家書以千字文爲號白雲不定山容晚碧水無窮
窮樹色秋回首寺橋同社客想因明月話離愁

謝三船上醉同歸黃四花邊手屢攜巷裏何曾異南北
屋頭還復記東西一杯相屬情猶在千里分飛意自迷
堂下秋來足萱草定傾家釀飮黃雞

初至上饒寄子雲

險阻艱難客路賒
東西南北問生涯
秋聲瑟縮生梧葉
野景蕭疎上菊花
去國已驚身老大
無家空有淚橫斜
遙知載酒齊山寺
應憶年時醉月華

寄梁士衡

癸酉
年作

江上潮聲日夜來
相望蹤跡共塵埃
亂花洗雨紅成陣
疊嶂連天翠作堆
山市放歌知屢醉
沙津獨步想千回
松林月出溪橋夜
猶憶當年對野梅

夜坐有感寄子雲

金陵
作漕

風景新亭舊往還
誰能舉目較河山
宦情老去秋多感
官事忙時夜始閒
牕外槁梧風瑟縮
竹間亂石雨淙潺
青燈已作江湖夢
同約歸期早晚間

過龐祐甫

半畝方園水到門
地偏人靜恰如村
聲名不用卿王衍
文字真能僕屈原
舉世知君如我少
平生學道欲誰論
何時共結柴桑社
籬下秋來菊正繁

劉子淵監廟年八十六耳目聰明能飲酒舉大白
喜賦詩比過之因示長句次其韻

才疎政拙愧能名黃髮猶欣見老成林壤固知聊自樂
門閭要是已堪旌持盃激灑千眉聳落筆縱橫四座驚
笳鼓過君應一笑平田兩部足蛙聲

過趙仲纘

山下清溪溪上亭竹陰芳徑眼增明已知數日逢寒食
賸喜今朝作好晴酒美故應容客醉歌長不自覺詩成
春深準擬多行樂卻作花前送我行

秋雨新霽過趙慎中留飲

門外黃塵有底忙主人高臥興何長春風竹樹簫笙轉

雨足軒牕笑語涼耳熱漫思官裏事眼明猶識醉時粧
紫雲莫厭頻來客未抵當年御史狂

陸務觀赴闕經從留飲

溪岸風高霜作稜杯盤草草對青燈已甘鹽菜待梁柳
況有酒漿延杜陵歲晚鬢毛紛似雪天寒門巷冷于冰
春風穩送金閨步看躡鰲山最上層

寄徐滁州埠立

青瑣金鸞跡未容寘公猶在昔賢中著書定已追迂叟

聞編通鑑

後事甚備得郡何妨號醉翁豐樂橋邊魚動鏡清流關

下馬嘶風獨憐湛輩猶奔走不得登臨一笑同

寄別子雲

江干風雪敝貂裘兄弟相看已白頭兩月追隨無十日
一春離別甚三秋清時官職難頻竊異縣田園合早求
並戲母前端有日省郎雖美不如州

次韻沈駒甫留別

筆下縱橫自學林胷中玉海更深識君異縣見眉宇
過我空山聆足音月近中秋還惜別雪飛窮臘會重臨
閉門剝啄誰相問與客寧論舊與今

別范元卿

晴林綠樹越江邊聊泊東來倦客船風引花香微近酒
水浮月色澹連天驚心朋舊皆千里回首光陰又五年
莫笑相逢便離別此生身計已飄然

松江別范至能朱伯陽

彈鋏功名易白頭歸歎未辦五湖舟送君與我皆爲守
到處逢山且縱遊薄日連雲千幃曉斜風吹雨一江秋
買魚斫鱸垂虹上更爲今年好景留

吳飲灣月韻江船屈指同行二十年勝日五湖看老矣

倦游雙鬢各蒼然擬尋詩酒平生社未了塵埃薄宦緣
後夜西風相憶夢琵琶亭下水籠烟

留別傅安道

華髮相看四十年飽諳世事欲忘言一春離別當寒食
再歲追隨作上元湖外溪山明小檻雨餘花柳暗西園
極知老大交朋少相與論文更一樽

場屋俱爲拜賜師烟霄獨喜鳳毛飛壯心似鐵何曾老
健筆如椽合一揮北渚青山勞我夢西垣紅藥待君歸
詔環不作經時隔沙路薰風卷繡衣

南澗甲乙稿卷四



